


DUGIR

Ker sé mehan carekê derdikeve • Zivistana 1998an hejmara

8





Xwedi
Kawa förlag

Berpirsîyarê giştî
Dr. Saïd Mele

Birêvebirêñ kovarê
Ehmedê Huseynî
Zagrosê Hajo
Yihayê Yûsif

Berpirsîyarê hunerî
S. Rêzanî

Abonetiya salekê
200 SKR
Navnîşan
DUGIR Box: 3437
165 23 Hässelby
SWEDEN

Posteya elektronî
Zagros hajo@ avestamail
telia com internet: w1.
226. Telia.com/~0226
0008

Tel/faks
46(0)8-6211571
46(0)706333261

Postgiro
692357-7

ISBN: 1400-591

Çap

Çapxaneya APECÊ

DUGIR

Hejmar 8 Zivistana 1998an.

KOVARA KURDÎ LI DERVEYÎ WELÊT
EV KOVAR LI GOR ALFABE, VEKİT Û
RÊZIMANA
MÎR CELADET BEDIRXANÎ
DERDIKEVE

NAVEROK

2	Pêşgotin	<i>Dugir</i>
3	Goristanê teng	<i>Ehmed Huseynî</i>
12	Miletê di devê nîşana tivingê de	<i>S. Berekat</i>
18	ji bo hevalê min Bozo	<i>Mistefa Qazî</i>
20	Bajarvanî	<i>Kamîranê Haco</i>
22	Kelek	<i>Kamîranê Hirsan</i>
23	Xezala Somerî	<i>Tengezarê Marînî</i>
29	Hunermendekî kurd	<i>Füadê Gemo</i>
33	Durvên hunerî yên çîroka Mem û Zîn	<i>H. Umer</i>
57	Jî dîmenên cenga mezin	<i>Sebrî Botanî</i>
64	Aramên çanda xwekuj	<i>Nezîr Akat</i>
69	Ji pirtûka xilmaşiyê	<i>Rezoyê Osê</i>
71	Baxê Gulân	<i>Rêwi</i>
72	Zewaca reş a Gülfîzare	<i>Malmisanij</i>
77	Helbestek û heft cîgeh	<i>Alberto Giacometti</i>
78	Lêvên birînê	<i>Ferhadê Içmo</i>

- Nivîs eger çap jî nebin, li xwediyan nayêng vegeandin.
- Ji bilî naverokê, di serastkirina nivîsan de Dugir azad e.
- Ji bilî nivîsên ko li ser navê Dugirê têng weşandin, her nivîskarek berpirsê naveroka nivîsa xwe ye.

Berpirsîyarê belavkirina kovarê

li Almaniya û Firansayê:

Dr. Mihemed Nûrî Sulêman, TEL: 02303237367

Dugir, deh mûmêñ şînigiriyê bo Helebçeya
şehîd vêdixîne û sorgulekê pêşkêşî
reşgirêdana Newroza we dike!

Tuher deh salêñ sosretê, wekî rêzêñ xwelîrêng ên çiyan, reşgirêdayî, li pey xwe dihêlî.

Ey gulistana bajarêñ wêranbûyî!

Ey henasa dawîn a sînga elendê!

Ey fireşteyêñ mirina dar û zeviyêñ xewnê!

Ey cirîda kêlîkêñ tawanbaryê! Ey têkçûna mirovatiyê!

Li ser hinarkêñ vê sibeha ji dûmana zer, li ber duryanêñ metirsiya

rehaçikayî, salêñ me li kulîlkêñ şewitî û li dastana goristanêñ serberdayî, dipirsin.

Dihingivin sîberêñ birîndar û li pey termê nêrgiza çiyan û sirûdêñ evînê, wek asoyêñ ji xerdelê, digindirin.

Li welatê xwekujan, wexta tu dest bi giryânë dikî, û esmanê dilê te ji hînî bîranîna mirinê dibe, tu hildiperikî darbesta serdemê û lîvên te yên ko PÎREMEGRÛN ji ber kirine, di dûmana derengmayî de dilerzin. Ey salêñ Helebçeya bînîckiyayî!

Ey sorgulêñ ko aniha, li ser kêlan, dest bi aferandina rengan dikan!

Ey balendeyêñ ko êdî nema bêriya hêlin û xuşxuşa çavkaniyan dikan!

Werin!

Werin!

Da ji nû ve, em ahenga şewatê vejînin û ji nû ve em navê Helebçeyê li ser ewrêñ zer û li ser destêñ xatirxwestinê, li ser rûpelêñ nalîna zarokan û li ser keservedanêñ pîrejinan, binivîsin!

Werin!

Da em destê mirinê ji hinavêñ Newrozê derînin û serkêşen govenda biharê ber bi kavilan û sîberan ve rakişînin.

Da em taristana çavêñ berbangê di xweliya demê de, di keftelefat Mem û Zînê de, di elfebaya xemê de, binimînin û salêñ zuha yên xewna zuha bi ser gerdeniya Helebçeyê de bireşînin û miriyêñ bayê sibê bi kefenêñ ji spîndar û şengebiyan bixemilînin.

De werin!

Van herdeh "salêñ ji kevir", di hişê çiyan de, di cergê giyan de, bilivînin.
bilivînin!

DUGIR

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

GORISTANEN TENG

**“Şîniyêñ xwe yên giranbuha bi girî tar û mar nekin!”
“Tembiya cotkarekî kurd”**

L i ser textê çiyan
Bûk bû..
Di hêlîna buharê de
Di hisê kevir de
Çûk bû
Gula heft ber bû,
Lêv tenik
Çav bi xewn
Por Aza bû
Gerden ji alal û awazan bû.
MAÇEK min lê bû,
maçek bi lez
şîpya lê,
Xerdela bê ol
Lêvê min birî
Û berya wan,
Bi Sêva xelatî tevî şa bû..
Kir hewar,
Me xwe pê dada...
Newroza xatirxwestinê ye
Cejna mirinê ye
Û... me hêvî di xwe de bada...
Axîna wê.
Agir, di şeva "Zeredeşt" de vemirand.
Birîna wê,
Xwîn, di çermê 'xwedakî' çayî de
tewirand.
Movikên demê,
diyarî şewata bê dûman dike,



**DUGIR, deh mûmêñ şînîgiriyyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Evînê ji ser zimanê zemînê hildike.

- şerpeze

- bîn teng

- toz girtî

Xewna tenik ji çavêñ "Leyla" radike...

Xwas mîna pinpinîkê

Bê şal û şap!

Can sivik mîna hechecîkê

ji buhara reş direve..

Tariyê distrê !!

ji stêrkeke geş dikeve..

pencereya girî derbas dike!!

Nema şirê Çiyan

ji berfê nas dike!!

Ji demsalên kesk

BENDE MAÇA XWE ME..

Lêlê sêvê!!

Zivistan be,

Li ser destêñ te diçelmisin.

Havîn be

Di gerdeniya te deduqurnisim

Û salêñ şor têñ!

Bê heyveke şermînî

Bê hevdîneke nermînî

Bê şadî û çandin

Tev şîn û çirandin,

û bi ser de!!

Em dibêjin Helebçe bû,

Navik û cî bû..


Gopal û rêuî bû..

Gepa nan û birçî bû..

Firek av û tî bû..

Tarîbûn mijankê welatê min kil dike.

Baskên buhara birîndar
nêçîra kewê şareza.
Nalîna bi çar çavkanî
Bindestiya bi qeremûşk
Jîna gergerînok
Taya mirinê û çend bîhok
Rêçen azadiyê bi mijê boyax dikin..
SÎNGA ROJHILAT BI MAÇA MIN DAGSDIDIN..
Hezar dijmin
ji dara xwîna min têñ weşandin:
Berî didin
Asêbûna nifirê
Vezilandina şevnemê
Li ser aniya porkura min.
Berî didin:
Dîwarê bêdengiyê
sema agirê min,
Hinarkên kulîlk û çivîkan,
germ dikin
bi rondikên Helebçeya min.
Li dor kezeba wê kevz digre
Mûzîka xweristê.
Kom dibin pêlîn tevzînokê..
Bo wê serê çiyan dişke
Bo wê çira rîwiyan dişke
Bo wê, diçurise, li ser tava rokê
xwîna kevokê..
Xuşexuşa çeman pûç dibe.
Jena dilê çiyan radiweste.
Û Helebçe
Bê dest e
Xwe davêje çepera jînê,
Xwe davêje
genîbûna birînê..
Xwe davêje,
Dilê Memo duguvêşe..



**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Gavên Siyamend bi ser xwede dikêş..

Biskên Şêrînê ê

Pizota Zînê dimêje

Xwe davêje perya Ferhadê hunermend

xwe davêje, qırşikên evînê

û vediciniqe!!

MAÇA MIN, Ô PEYMANA ZEMÎNÊ TÊN BÎRA WÊ

HELEPÇEYÊ û dawiya şevê
bi hev re zîz bûn..

rewanê wê

"Izrayîl" û diranê wê

bi ser hev de xwîz bûn..

Li nik sipîka çavê wê

ro şerpili.

Tava xweşyê haş bû

Lehiya reşiyê ser û kaş bû

Stîranêñ baranê

Zigilê beranê êvarê

Xwe sipartin qurmê hinarê

Bazî li ZÊWEYÊ

Hêlînê dipekîne..

Serçavka QELEDIZAYÊ

bi hêrs direvîne.

Şev bê dê ye!!

Li derveyî demê ye!!

Hênikahiya bayê sibê ye!!

Dil li ser balgeha kîjan kîrê ye?

Berê rokê li kîjan gorê ye?

Û bareş xwe li ba dike,

Pênc hazar gul.

Pênc hezar peşkêñ baranê

ji xewna çiyan şiyar dike..

Û BAVÊ TÛJO

Ji esmanê şehîdan direve!!

Û HELEBÇE

Nexurya çiyan
Ji zikê kevir
Ji ava gulan têt herikandin..
Bi mekyaja kîmya nûjen
têt xemilandin..
Bîna wê ji çermê me
Ji MAÇA MIN difûre
Cîhan pêl axê dike
dişikim!!
Bi navê diktatoran
Bi azara deyûz
Dibawişkim !!
Û jena dilê min bi ser
pêşanîka Helepçeyê de
têt reşandin..
Rût...
Li ber tîna agirê me
Serê riman ji xwînê dişon..
Her tiştê xweşik talan dikan
Hemî sibehêñ nazik bêcan dikan
Xwe fêrî navê şûr û topan dikan
û Helebçeyê
Lêvên xwe ji nêrgizê
Ji tava rokê bernade...
Ko ne li ser memikêñ berbangê be
tiliyêñ xewnê ranade..
Ceng bo wan e!!
MAÇ oksejêna Helepçe ye!!
Û ji govenda seqemê nareve..
Ji guregura mirinê
ji zindana çiyan
ji ser piyê ewran nalive
DOZA WÊ MAÇ E
an mazûbanê wê
xerdel e, sêdar û xaç e



Esmanê şînîyê têt vegirtin,
konê reş, porê Helepçeyê
şîl dike.

-Paşmêr

-Dîroka şelû.

bi rûpelekî reş

ARARAT dinixumînin

NEHİŞYÊ MAÇA BÊTIRS IM

Li hember mirinê şox û girs im

Û tê lorandin:

-Bi bayê ber tavê.

-Bi çariya lavlavê.

-Bi hişkiya Silavê.

Sorgula min.

Sosreta min.

Derbesta min.

Darbesta min.

Ku dûr bim

Bilûreke bêhiş bim,

Bo çavşoran çûr bim

Û ji nişkê ve,

Giwîzan û devê şûr bim!!

Da tu li ser zendê vebîşirandinê

xeweke zelal derbas bikî

kaniya şiyar bûnê me lê!

Da goşiyên tırsê ji rezê dilê te bidime hev

xwe bi mîranî didim nasîn!

Da rexên pirse li ser lêvên te bipîvîm

Cav bi gav xwe disrpêrim MAÇA te !!

Bajarêv evîna te.

Bi ronahiya çav vêdixim.

Bi te dikevîm!

Mîna pilopilo

Mîna kêzika hecê.

Mîna serê derziyê

te di bin çermê dil de vedişêrim.

Keskesorekê ji kovana çiyan.

**DUGIR, deh mûmêñ şînigiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

bo te hildibijêrim...
Helebçeyê!
Eger tu keça hîman bî
Neviya berf û qeşan bî
Gera can û rewan bî
Mey û helbestek GORAN bî
Dê bêñ bexçeyêñ mirina te!!
Ji felsefeya axê
Ji perwaneya li dor çiraxê
Dê bêñ,
Ji hûrê deyaxê
Zingil di dest wan de
Kevok di mil wan de
Dîrok di dev wan de
Xerdel di zik wan de
Gula heft ber
Di xêz û saz û hiş wan de.
Tu yê bibêjî:
Hûn ci divên!?
Simbilêñ MÎDYAYÊ zer bûne
Mertalêñ RESTEM kerr bûne
Pizikêñ SELAHEDÎN der bûne
Û!!
Hesrata Cegerxwîn
Destgirtiya Hêmin
FERATÊ seranser xwuşîn
 çav zelal û şîn
Şerbikê bûkê
Şoreşa enîgirêdayê
Welatê gulperîn divên!!
Welatê dil xemgîn divên!!

**j paytextêñ xweliyê,
ji EHMED ARIF
Ta dilovaniya zencîrêñ kevn.
Ji pêlêñ riha ŞÊX SEÎD**



**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêsi reşgirêdana Newroza we dike!**

ji cama qirika wî
Ta sînorê mizgînxêra Zûhayiyê...
Ji bejna Zozik
ji hina simbêlê SEYIDXANÊ KERR
Ta sîle û pêkenîna bayê...
Ji giwîzên dilrevîn
Ta xwêdana pişta NEMRÛD
Ta peqên zimanê min
Hustxwarkirina tîp û stiranê min
Ta kilîta buhiştê
Ta dismal û qermîçokê dilê dayê..
Ji bîranîna te,
Ji sersala te,
Ji berfa sor.
Ji sibehêñ zerikî,
Ji naveroka êşike tîr - pîr.
Ta biservebûna şopa tayê..
Te dînîvîsim Helepçeya min bi ava payê...
Çend sedsalan te guvaştin
te kuştin!?
Çend caran MAÇEK bo min
li ser gula xwîna te nehiştin!?
Çend lehî, xwînrijî, te vexwarin
Çend singoyêñ rizyayî
ji destê felekê, te xwarin!?
Helebçeya min!
lê moxila vê serdeşrnê.
Dizê hêlîna bêguneh Kî ye?
Dengbêjê hilata rojhilat Kî ye?
Kurm û tirşahiya roj felat Kî ye?
Neynika çavşikestî Kî ye?
Helbestvan Kî ye?
Pê zan?
Ezbervan?
Bê çend zindan te li xwe girtin?
Bê çend koremaran bi te vedan?
Bê çend kilîlêñ bûkaniyê te guhertin?

**DUGIR, deh mûmêñ şînîgiriyê bo Helebçeya şehîd yêdixîne
û sorgulekê pêşkêşî reşgirêdana Newroza we dike!**

Bê çend berfan sînga kewan himbêzkirin?

Bê çend hesp û kevanan.

Bê çend tajî û nêçîrvanan

di qafê berbangê de te genî kirin?

Te dînîvîsim Helebçeyê

bi ava payê...

îr0!!

Ji qada berûyan

koça xwe bar kiriye oksejênê!!

"EHMEDÊ MALA MÛSÊ yadê min dixwaze û min nadînê!"

Goristanek dirêi e

Li dor xewna te ye

Helebçeya min

"Hey ho li me xerîbê! Bê rizq û nesîbê

Xerîba xwedê mo. Tara li devê rê mo

hesreta mala bavê mo"

pêt û ar û tirêj e.

Li dor newqa te ye

HELEBÇEYA min.

Tava te kezyan dihûne

Li ber dengê balefiran,

Mistek ji stiranêñ bêriyê

Li kerbela dilê te diçêrin

di dojeha MAÇA min de

Tama axê tal dibe.

Rezen şîniya giranbuha

Nexşeyên eşqa bê reng

Helbestêñ girî û hawarê

Hinarkêñ Helebçeyê diqelêşin..

Rêçêñ ji toza sermest

Gundêñ bê navnîşan

Aso ji tovê hejîrê dikêşin..

Te li dor govenda mirinê dicivînin..

Bêhişîya xerdelê bi pola çavan dimeyînin..

Te ji afatiya mirina bê tembî direvînin.



**EHMED
HUSEYNÎ**

13. 08. 1988

Qamışlo


SELÎM BEREKAT

Vê carê, dê mirîşkên xwe,
berxên xwe û dê şan û
deqêñ xwe yên kurdiyane
bavêjin ser milêñ xwe û
ber bi Ewrupayê ve biçin.
Û nijadêñ dîtir ên jînxwes
jî; dê sedemêñ vê lehiya mirovî ya ko
di zivistana cîhanê de dest pê dike, dê
di stûyêñ hevûdû xînin. Û pişt re dê çi
bibe? Serê xwe neêşînin, kurd in, ji
ber zorbaziya leşkeran, û zorbaziya
pêdiviya bo dîmenê; dîmena ko gerek
paqij bimîne, direvin.


Di vî warî de tukes nikare destê xwe
ji rêberiya tawanbaryî bişo, hemû
hevbesen(şirîkêñ) vê ji paş de xapandinê ne, ji Qumê hetanî
bigihêje Xaniyê Spî yê li
Washingtonê.

Soz û peymana hevbiratiya di
ayînê(dîn) de dane yê kurd lê
zimanê wî riswa û bêrûmet kirine.
Soz dane yê kurd ko êdî piştî
hilweşandina zorbazî û stemkariyê,
dê li hemberî yasayê(qanûnê)
serkeftinekê bi dest wî xînin lêbelê
yê kurd di dorpêçkirina nenas de
hiştine.

Soza dadperweriyê dane yê kurd;
dadperweriya ko dê wî mîna
hevbeşekî li çarenûsa wî ya windayî
vegerîne lêbelê çek û alavêñ cengê bi
ser dijminê wî de barandine.
Herifandina desthilata Iraqê nediket
bîra -û ne jî dê têkeve bîra- pişgirêñ



**MLETÊ
DI DEVÊ
NİŞANA
TİVINGÊ
DE**



rizgarkirina Kiwêtê.
Ew bi xwe hatin herêmê
da Îraqê vegevînin
şikeftê û dergeh jî di
dest xwe de bihêlin da
ko, bac li pey bacê,
oqyanosa petrolê zuha
bikin û bi wî samanî ji
nû ve gemiya cengê û ji
nû ve laşê leşkerê
rojavayî durist bikin.
Kurdê ko ji xewna
rizgariyê re dilîland
hate xelat kirin û Îraq

bi xwe jî hate xelat kirin: Yê kurd vegevîn labîrênta
pevçûna di valahiyê de, û hevbeşê wî jî li Sedamî
vegevîn, da ko hêviyên wan bi tevna ji birçîbûnê bêne
dorpêç kirin, û perdeya tenik hêdî hêdî bi ser cîgehê
veçiryayî de hate berdan.

Meydana mirovê kurd mîna baweriya wî ye: Neh rexên
zemînê hene, qenebe ji rexekî, alîkariya ko hebûna wî
biparêze dê bigihêje. Û bi rastî jî gihişt,
alîkariya kuştina wî gihişt.


Îrana olperest dê tevgera mîletekî cîran ko rehek ji rehêن
giyanê wî dirêjî îranê bi xwe dibe, her û her napejirîne; dê
tucarî jî bi çavên hevbiratiya li ber destê Xwedê li vê
tevgera wî temaşe neke.

Dê her carê desteyekê ji rihîn miftiyêن ko, dizanîn çawan
cihêxwazan sucdar bikin, diyarî wan bike.

Ü Tirkîye jî dê ji dergehê "himbêzkirina" valahiyê
derbasî nava dîmenê bibe; valahiya ko mîna textê
jinanînê, rojavayê ko terazûya(mêzêna) 'itaran
hildigire, jê re amade kir.

Êrîş li pey êrîşê dê cîgeh tar û mar bike û bide pey
labîrênta ko ji hinavên hebûna wê ya nediyar
hatîye afirandin. Şûseyeke rojavayî ye û zeyteke islamî di
hindirê wê de ye û xwarinçêkerek wê dibe metvexa xwe ya
perde girtî, û firax tarî.

Tirkîye wexta ko di meydanên gulebarandinê de giyanê
mirovê kurd ji xwe re dike pêşangeh, dê xelata xwe ji
rojava bixwaze, xelata xwe ya ji boyî rola pasvaniya




dîwarêñ rojhilatê, û ji boyî serkêsiya wê ya di warê serrastkirina bûyerên ko, ji ber neguhdana rojava û tevliheviya siyasetên rojava li Kurdistanâ ji yasayê hatiye valakirin, derketine. Dê Tirkîye bizanibe ko helwesta rojava ya bi mebest û plankirî ya li dijî serbixwebûna kurdan, piştî

valakirina Kurdistanê ji Sedamî, ko ev bi xwe diyariyeke ne eşkere ye bo wê. Lewra dê hewl bide ko vê diyariyê bi awayê têkçûnê ronî bike: pêwist e ko ez vê tevliheviya bê ser û ber rawestînim û valahiya yasayê himbêz bikim.

Dê Tirkîye li ser rewşa xwe ya eşkere wisa bibêje.

Diyarî jî bi lêmiqatebûneke dijwar sextekirî ye. Digel ko rojava bi mebest guh neda ezmûneya (tecrube) kurdan û ne jî hewl da ko vê ezmûneyê bi alîkariya aborî, îdarî û bi pend û şîretên plan û projeyan, dolmend bike, di gel vê em dibînin ko stûnên hêza hevbeşa Natoyê ji çekên Elmanyayê ava dibe, û Emerîkayê jî çavêñ xwe li mavêñ mirovan û şaxêñ wê yên serberdayî û bêhiş yên ko di bin çengê keça wê ya delalî de diqewimin, digire, û wê ber bi Israîlê ve dikişîne da ko çareyekê ji nasnameya wê ya ko di rojhilata tarî de hatiye derizandin, bibîne.

Li vir eger fikir li biranêñ(burhanêñ)zelaltir bigere, em dê bibînin ko xwarina herî paqij a ko laşê rêxistinê pê tekûz dibe li dijrawestana Yekîtiya Ewrupayê bo endametiya Tirkîye ye. Li vir her ko Tirkîye, di guftûgoyêñ demsalane yên endametiya rêxistina xwe de, ber bi koşeyeke dûr ve dehf didin, Tirkîya jî radibe ser piyan û dest bi gazinan dike û li ser neheqiya ko lê dibe dipeyive, general û kolanêñ wê yên nixumandî di van gazinan de hevbeş in. Lewra berê xwe dide tolgirtinê; û tola xwe ji milêtê kurd ê ko, jînnameya xwe bi zimanê xwe dixwaze, distîne; çînkî hê di



bin siya qanûnê de
nasnameya Ewrupayê
wernegirtiye,
newergirtina vê
nasnameyê jî kuştinê
berfirehtir dike.

Himbêzkirin, ev peyva
ko mîna agahdariya ji
keşeya tolgirtinê bo
semta cîhan hatiye
pêşkêş kirin, wexta ko
pirs bibe pirsa mirovê
ko nasnameya wî têt
riswakirin, û

mirovatiya wî jî têt bêrûmetkirin, wê çaxê çareseriyej ji
taybetmendiyên wê re têt dîtin.

Zorbazî nayê himbêzkirin.

Zorbazî rexne dibe, rexneyeke ko piçekî wijdanê xwe pê haş
dikin, lêbelê himbêz nabe.


Yekîtiya Ewrupayê dikare Tirkiyê, bi awayê ko wê di
rêexistina xwe de himbêz bike, ji astenga wê ya qederiyane
birevîne.

Wê wextê dê laşê Tirkiyayê hînî xwîna çavdêriya dijwar a
dezgehêن Yekîtiya Ewrupayê bibe, herwiha dê reh û
damarêن wê jî xwe li gor daxwazêن hevbeşiya peymana
rêexistinê, biguncînin. Lêbelê hewldana avêtina barê
bişûndexistina revandina Tirkiyê ser milêñ diroka
Yewnanê ya ko di gel bîrûbaweriya ji destçûna

Kostantînpola wendayî li hev nake, ev hewldan ji alî tevn û
ristina xwe ve pir lawaz e.

Helmut Kol dê ji bo ronîkirina vê astengê nîvê rastiyê
dibêje: Tirkiye mislman e. Ji bo serrastkirina wateya vê
hevokê dê şêwirmendê Ewrupayê Den Brock şiyaneke exlaqî
terxan bike û bibêje: Li Ewrupayê yanzdeh milyon
misilman hene. Nîvê mayî yê rastiyê jî di navbera pişgiriya
Kol yan a Brok de dabeş dibe..

Îca roja yê kurd jî di vê koraniya bêrûmet de hiltê; mîna
piştiyên pûş li ser serê keçen bêhêviyê û dayikêñ wan
hilgirtî, hiltê. Dayikêñ ko di pevçûna "mayîn ji bo yê çêtir
e" li ser xaka ko bi valahiya hêrayî wêranbûyî ye, talana
berfireh û dolmend, dizêñ.



Di vê bawîbûna exlaqî
de hemî wekî hev in, tu
kesê mafdar nîne, yan
jî tu kes nikare hinek
rastî û maf çêbike. Lê
nîvê gazinan dê ji
partiyên pevçûyî yêñ
kurdistanê bê kirin, ev
jî rast e, heq e, lê
rastiyeke lawaz û ji
hevketî ye.
Ma qey ji kurdê ko ji
hevbeşiya hebûn û
amadeyîyê bêpar

hiştine, bendemana çi dikirin?

Û bi kîjan cegerdariyê ji kurdê talanbûyî dixwazin ko bibe
nimûneya herî zelal a nijinandina bayê kurdistana
perçebûyî?

Tovê "Ezmûneya kurd" di zemîna ji kevir de ko nayê
çinîn, bi lawazî geş dibûn.

Ji bo yê kurd jî pangavek ji lîewlebûna pêwist peyda nebû
da ko tê de bi cî bibe û şarezayiya xwe ya di warêñ rêexistinî
û peywendîyan de hilbijêre, damezirîne.

Xewneke xwexapîn bû; di hilatina bi lez ya hêviya têkçûna
Sedamî de ji dayik bû.


Asêgehine bê dergeh xwe spartin sozêñ rojava yêñ
parastinê; parastina ko pişt re dê bigihêje û dê "Pasvanêñ
Komara xwînrêj" vegerin " Xaka Azad".

Parastina di çarçewa gotinê de,

Parastina ko bi mayîna Sultanê tirsnak re lihevhatî ye.

Parastina bêyî ko rojava rê bide kurdan da derfeta
rehdaçikandinê û xweparastinê bi dest xînin, bêyî ko
hokerên jiyanê ji wan re peyda bikin û stûnêñ sînaeta biçûk
xurttir bikin, û "Parêzgehê" ji abloqeyê bi dûr xînin;
abloqeya ko qezencêñ qulêñ baca (gumrika) wê dê bibin
çrîskêñ şiyarbûna ji xewnê.

Herwiha "Parêzgeh" bi xwe jî, bi xwespartina çewtiya
rehdaçikayî ya parastinê û wateya wê ko li ser têlêñ
cilşûştina leşkerî li Încîrlikê raxistîne, qulêñ wê pirtir bûn
û di wan qulan re qasidêñ cîranan dest bi serdan û hatinêñ
xwe kirin, û sozêñ wan jî hergav sozêñ "piştî bi dawîhatina
rewşa ewarte" bûn.



Îran, desthilata Bexdê,
û Tirkîye jî, li ser
hilweşandina
avabûna laşekî nû bi
hev re û bi mijûliyeye
bêwestan hatin
bişaftin; laşê ko belkî
pêvajoyekê ji xwe re
bibîne û taybetmendiya
Kurdistanê bi xweşıya
mafê mirovî di
hebûneke dadmend de û
dûrî zorbazî û
stemkariya dorhêlê,

biafirîne.

Zorbazên ko bi dilreqî destêñ wan dirêjî wî alî deryayêñ
cîhanê dibin da ko cihêxwaz û azadîxwazan bikujin.

Ji bo hilweşandin û çewisandina daxwazêñ avakirina laşekî
kurdî sedem wek tiryê çiriya paşîn baş stewiya ne.

Di şûna wan de jî daxwazêñ parastina regez serî hildidin.

Tirkîye, bivê nevê, bi amadebûneke ewrupiyane, li derveyî
çavdêriyê ye.

Îran jî bi hemî berjewendiyêñ xwe di rolêñ herêmê de xwedî
cî ye.

Û sibê jî dê Pasvanêñ Komarê (leşkerên taybetî yêñ Sedam
in) li parêzgehê vejerin.

Îca yê kurd dê çi bike ji vê rastiyê; rastiya ko di çolistana
rût de ya ji bayê hesinî, wek serçavka Aliksander Domas a
hesinî, serê wî dorpêç kiriye?

Û ji dema ko hebûna vî miletî bûye peyama dilxwaziyêñ tirk
û ereb û eceman, her beş, reh, êl, binemal, tîr, xwe davêje
parastina ewliyakî derewîn da ko talanan ji aqilê yasayê ji
dayik bike.

Ji vir revyayî ye. Ji wir revyayî ye.

Ji Bexdê ber bi Tehranê ve direve.

Ji Tehranê ber bi Bexdê ve direve.

Ji Enquerê ber bi Şamê ve direve.

Sêkoşeyeke leşkerî ye, her desthilatek wê ji bo tirsandina yê
din bi kar tîne.

Û ji bo yê kurd jî, eger serî hilda, tu çare nîne, ji bilî ko li
kelekekê siwar bibe û berê xwe bide oqyanosa avê.

Ji bo hevalê min Bozo

**MISTEFA
GAZÎ**



Li wir, li derive
Ji welatê xwe dûr!
Rewşa jiyana li surgûniyê

Helbet ez jî zanim.

Dizanim helbet, êşen ku di dilê te de reh berdane,
Erê hevalo!

Malmîrata dewranê, ci dewran e!

Qey riya xwe şaş kiriye,
Dîsa rika xwe li me girtiye

Hê jî dawiya riya xwe ya şolî neaniye.

Ü dawiya heyama talanê jî nayê!

Hewqas wextên bê hêvî

Hewqas êşen hesretê

Ü bi ser de gava ku hewqas hêvîyên talanbûyî difikirim

Ü gava ku diya xwe ya ji bişirînê bêparmayî difikirim

Ez ci bibêjim nizanim!?

Hindik maye biteqim!

Erê hevalo!

Nizanim tê bîra te

Kuçeyên Diyarbekirê

Piço Meheme

Ü Rasta Şêx Meheme

Hela Qahwa Tulux a wexta me ya lîseyê

Meskenê qûşbazan bû, te dî!

Ü yê diz û dermankêşan bû

Li Derê Ruhayê me volta diavêt,

Hela bi şev, ci xweş dibû wê derê

Ü agirê Newrozê li ser

Birca "Yedi Qardaşan"
Em hê bûtikên biçûk û teze bûn
wê wextê
Di hişê me de bi sedan fantazî
Di dilê me de jî hezkirineke ne bi dizî
Û em carna rîwiyêñ şoreşê
Erê hevalo
Pir tişt hatin guhertin li vir,
jîrgî tu çûyî
Me faşîzm dît
Ango zulma reş
Em binketin, êsîr ketin
Hîç îzaheke din jê re tuneye, birê min!
Lê bizanibe
Her ku em binketin
Hewqas jî em hatin sûyîn
Her ku em hatin sûyîn,
bêtir em gehîştin
Erê em bin ketin,
lê em winda nebûn
li welatê xwe yê derya xwînê de
Em fêrî zîlavêtinê jî bûn.
Diyarbekir, 1988



Medhat M. Elî

Pişo Meheme: Keleşekî mîrxas û navdar e ji
keleşen Diyarbekirê bû
Rasta Şêx Meheme: "Şêx Meheme Duzlixî"
Meydaneke di goristana Derê Mîrdînê de ye. Berê
cihê çeqokêş û araqxuran.
Qehwa Tulux: Li ser kolana Mîlik Ehmedê nêzî Derê
Ruhayê qehweyeke navdar e.
Ben û Sen: Bircek ji bircêñ kela Diyarbekirê ye.
Birca Yedîqardaşan: "Birca heft bira" Ew jî ji
bircêñ kela Diyarbekrê ye.

Bajawanî

- Hiş! Xwedê nehişa, xalê we raza ye... Dengê nizim ê xwişka wî kete guhê wî, xwe netirand, lê nema xewa wî hat. Lihêf ji ser xwe avêt, çavên xwe vekirin, nerî ko xwariziyêñ wî li dora wî civiyane, bi wan re beşîşî, wan jî, ji fediya berê xwe guhertin...

Axaftina xwişka wî bi derbasbûna wê re hat:

- Van xwedê nehişa nehiştin tu razeyî, ez çiqasî bi wan de xeyidîm jî lê bê çare bû...
- Zarok in, li wan negire.. Qehweke me çêke...
- Ma tu taştê naxwî..?
- Sibeha ji qehwê pê ve ez tiştekî dî naxwim...

Bi van gotinan Ehmed xwest bide nîşandan ko mîrik bûye bajarî û qehwa sibehê jî nîşana vê yekê bû. Ji neçarî xwişka wî qehwe çêkir û jê re anî.

Ev serê sê salan e ko Ehmed ji gund bar kiriye û çûye bajêr, bajarvanî jî lê xweş hatibû. Rabûn û rûniştina xelkêñ bajêr jê re rast xuya dikir, degelî, paqijî, zanebûn, têkiliyêñ bi sînor, û dawî vexwarina qehwa sibehê...

Qehwa xwe vexwar, dilê wî hate girtin nema dilê wî çû xwarinê, ji xwe berê jî di dilê xwe de gotibû ko ew naxwe...! Xwişka wî pê ve ma, lê wî xatir jê xwest û ji bo serdana pismamê xwe, berê xwe da gundekî dî...

Rojeke ji rojêñ biharî yêñ pir xweş e, dexla şîn vî alî û wî alî rê dixemilîne, sinbilêñ dexlê avis bûne, xwîsiya sibehê li wan ketiye, rûyê wan pelên kesk şil kirine, bayê ko li wan pelan dixîne bi hêwabûn ji nav dertê û li rûyê Ehmed dixe, ew pir kêfweş dibe... Ji dengê çûk û çivîkan û dengê piyêñ wî pê ve li ser axê tu dengêñ din nayêñ. Bayê paqij bi kûrbûn dikşîne, kêfxweşîya wî bê sînor bû, nema zanîbû gelo ew bi rê ve diçe yan jî per pê ve çêbûne...!!!

Vê rewşê bajar anî bîra wî, toz û dûman, qerebalix, çûn û hatina bêsinor, ev ên ko mirov nexweş dikin... Li vê yekê rawestiya û gund li ber çavê wî xweş bû, bêriya vê tenêbûnê û dîtina xweristê û bayê paqij kiribû... Lê dîsa jî bajarvanî lê xweş hatibû....

**DUGIR, deh mûmîn şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Giha gundê dî, dostekî wî li pêşıya gund gihayê û ew bire mala xwe ... Dengê xwe li pîreka xwe kir ji bo ko xwarinê hazir bike, lê Ehmed bi sûnd û telaqan ew da bawerkirin, ko li mala xwişka xwe xwariye. Di dilê xwe de dizanîbû ko ev êdî ji bermayên gundîtiyê ne, lê hîna hinek pê re mabû û bajarvaniya wî hîna qelsî tê de hebû.. Erê birçî bû, lê ew jî nizane kê bersiv da, Ehmedê bajarî yan yê gundî..!

Ji wir rabû berê xwe da mala pismamê xwe. Ji ber ko pir birçî bûbû, bi rê de ji xwe re got, ko wê xwarinê li wir bixwe. Pismamê wî jî di temenê wî de bû, zarokiya xwe bi hev re derbas kirine. Bi dîtina hev pir şa bûn, xwestin xwarinê hazir bikin. Lê Ehmed ji nişka ve axivî:

- Bi serê bavê te, min li mala xwişka xwe xwariye û niha jî min tiştekî sivik li mala hevalê xwe xwar, hema qehwekê çêbikin bes e... Li van gotinên xwe pir poşman bû, ew ma li hêviya ko careke dî bibêjin, lê gava ko careke dî gotin wî dîsa ew bersiv da.. Dîsa di dilê xwe de got ko pismamê wî wê careke dî zorê lê bike, lêbelê xuya bû ko gundî jî hinekî pêşketine, lewra cara dî nehat û nehat.. Ji ber vê yekê jî xwest ko zû here mala pismamê xweyî dî, da ko bigihe firavînê.. Lê mixabin gund hinekî dûr bû û ta ko ew giha wir, dema firavînê lê çûbû... Wan xwest ko xwarinê hazirbikin, lê dîsa gotinên Ehmed bêhemd pê re derketin:

- Bi serê bavê te min niha xwar û ez hatim, ma ezê fedî bikim, ma hûn bawer dikin ez ji mala pismamê xwe bê xwarin derkevîm.

Qurqura ûrê wî û birçîbûna zêde hêviyên wî çêdikirin, ko wê careke dî pirsa xwarinê bikin... Lê çi cara ko ev pirs dihat, wî jî eyñî bersiv dida, wî nema zanîbû, ka kî ye yê ko vê bersivê dide, lê xweş diznîbû, ko ne ûrê wî ye, yê vê bersivê dide...

Xatir ji wan xwest û berê xwe da bajêr. Ta ko giha roj çûbû ava, berê xwe da firna nîn, du kîlo nanê firnê kirîn û berê xwe da malê... Hê bi rê de wî du nan xwarin û ko giha bi lez ji kebaniya xwe re got::

- Zû ji min re xwarinekê hazir bike, ez ji nêza û fediya mirim..!!?



**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**




Sirebayek ji çavêن te
Û newqa te ya ko di destê min de difire.
Kêfxweşî min dişewifîne
Û esman jî li ba dibe.
Qereçiyê ko di dilbijandinê de pîr bûye,
ez im
Û yê ko bi pînpînîkan di ser dev re çûye,
dîsa ez im!
Îca ji bo çi mîna stêrkan
ez û tu bi hev re nafirin?
Di dilên me de ronahî
Û di destên me de mûm.
Ji bo çi em nafirin?
Rojên me kulîlk in
Çavên me mermer in
Destê xwe
Û maça xwe diyarî te dikim
Bi şîniyan girêdayî me
Wek pelên payîzê
Wiryayî
Li ber destê bagerê
Bi seqem û zerbûnê tême lêdan. .



Kamîran Hêrsan

KELZALA SOMERI



TENGEZARê MARİNÎ

Bi tenê...

Da ez, bi navê te bixurrim.

Birîna şûnwarekî bêhedan, kofiyêñ xerzanî, tîne dîlanê
Rabe dîlbera min!

Şevçiraxa heyvanekî sûnddayî ji "Du'aya serêşê"; ji Kaniya
Spî, veneqetîne.

Bila ez,

bibim nêçîra bîstikeke pûşt.

Ji wê çîrisandina xemgîniyê, çıxareya xwe, hişyar bike.
Keldûmana ahînên rûbarê te ye.

Keskahiya mirinê, dijene.

Nêzîkî min in, ew indeko.

Sih û neh, ji lawija qederê re, dikim qêrîna berfê.

Deng ji nişka ve, ji xewnêñ serîhildana pencerê, rû didin.

Ji nalîna du mindalan, ev deq; dibişkive.

Nûjeniya pîvazê, yarıya sêwlekên ji hinavê...

kolanêñ bê sultan,

xemsariya bê nav û nîşan im.

Dergehê nivistinê ye,

wekî tîrêjîn rojê, vedimire.

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Razên şevê ne,
windabûna xaçerêkên sermedî,
di dilopa xunavê de ne.
Kahinêñ dahênanê, bê lebat in,
di asoyêñ dînîtiyê de.

Ho SALEHê...
Bextik li te biqulipe.
Bi dilxweşî, tiliyêñ min,
li xizêmokê, li wan şiharan, gok, maç dikirin.

Te, ew reşfîr, mîna reşçiyayekî,
bi ser min de, berda.
Di wê rojê de,

şikestina min a yekemîn hate neqîşandin.
Mixabiniya min a ciwan,
tirih da,
reng veda.

Dîmenêñ pêlavan xwe di dêmêñ min de,
çandin.

Ev nîvê min e, Kubara min.
Lerza wenatekî ji mijê,
Dê bigihin hev, em?
Dergehê serxweşîya min,
li ber şeva,
ko zuxurêñ xwe winda kirine,
davan vedide.

Xwîna spî ya kîjan xwedayî yî tu?!
zingilê gumanê, mestbûna te beşdar dike.

Hûçkêñ lêvên te melûl in.

U.. ez biyan im dilo, biyan im.

Em, li ser rev û qirkirinê,
perwerde dibin.

De ka ji birûskê, sêvekê, bide min.

Li ser derfeşa xwedê, bêdengiyê, xelat dikan:

Sirûdêñ rewrewkê ne,

wekî dîrokê bê xunav; girtî dimînin.

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Li ser peykerê rondikan, bendewarê we me.
Ji xapêñ Orfios, fîxanêñ te, disincirin.
Weha ez, hatim Çenvezêrînê min.
Bê xetîre, li Kelehê vege riyan.

Ci oqiyanos e, dilê te?!
Bihar e?!
Bendewariya qurbanan dikî?
Rabe serxwe:
Tu hetîketiya min a bê nav û nîşan î.
Dîwarêñ ketî ne, dilê me.
Bes e, bes e,
dîwarêñ ketî ne dilê me.
Ev zeman bi kû ve diçe?
Pesindana reşbîniyê ye, şepala min.
Li wir, devera dil, tê xapandin,
ahînêñ xwe, diverêsim.
Min rêça bajêr, winda kir.
Pozê xwe, hilnede.
EZ te xezalek e Somer î, li pêş xwe, dibînim.
Tiraf e îro kenê te.
Bi nazdarî, awirêñ te, himbêz dikim.
Cara yekemîn bû, bi xil û xavî..
ez, hingivtim jixwebiyaniyê.

Li wî dergehî, li biyanistanê,
baqê gulan, Ji xwe şerim kirin
û min jî şerim kir.
Wisa melûl.
Wisa biyan.
Wisa ciwan,
şikestin li şûn têkçûnê,
Bi xemgînî, min fehliya xwe, dikurkusand.
Bi pêş ve, Faust, bi pêş ve...
Çi xewn, mîbûna te, himbêz dikin?!
şîr û tiraf im, hawara rojê.
şeva bêhesab im:
Were dîlbera min!

Sermediya şûneke raketî me.

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Gerdûnekî lêvexumehayî,
daweta reşkêşevê ne, em.

De bêjin, çîrokan, bêjin.
Û ez, mîvanê xwelîdankê me.
Nêzîkî min bibe.

Dîtina dawî, di valahiya têkoşrekî de me.
Wê qehpê, paqê xwe ji Enkîdo re, nekirine nasname.
Ezê ba ji xwedayan, dagirim.
Wan bikim şîva dawî.
Yûsiv naxwaze ji wê bîrê, ji hêlîna Meryem, derbikeve!
Li GOYR, DONAU,
ji ber mijûliyên min, rawestiya bû.
Kolanêñ xerîbiyê bûn, dîlbera min.

Kuç û kevirêñ ŞARÊKERIKÊ
têra dilê min, nedikirin.
Birako:
Ew mîraniya te li ser vî tuxûbî,
mehrecana xwedîkirinê ye.
De bese şevê, min tevlîhev neke.
De bese şevê,
Nebe sedema bişkivîna ahînan,
di kûrahiya min de.
Godot hat, kurd tenê dîtin û vege riya.
Di vê keesrê de, kesk im.

Qîrîna binefşê me, serbizingil im.
Bes e, min tevlîhev neke!
Dinya pûç û betal e.
Bêciriya mijê, dengê strana evîndara min e.
Di raza şevê de, bêwestan,
li wan çavxezalan, temaşe dikim.
Dilopek ji çiravê,
di navbera xwedayan de
dibe tozgerînok,
Ji destpêka baranê ve,
xewna min mewîjan, dihûne.

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Li ser vî dîwari,
bêrengiya meyê, giha qonaxa nimêjê.
Li ser maza mirinê,
şanogerî şarên xwe, hine kirin.
Seqema herêsimê ye,
pîrozmedîya kavilêñ şahnaziyê, bi dest dixîne.

De were..

Dorpêckirina min, ji xelekplanêñ xwe,
di oqiyanosêñ matmayî, werbike.

De bese cana min.
Kulêñ min tevlîhev neke.
Ez...
Çi bibêjim û çi nebêjim?

Ji girnijîna şevêñ serxweş,
ji henasa berbangêñ bêzar.
Na, na weleh, ji kerba wan ên,
rojê bêjing dikin.
Min gelek nêrgiz di dilê xwe de,
bi cî kirine.
Kolan bi kolan, şûna simêñ min,
nêrbûna min a qaçax
Li ser mîza bîranînêñ min, wêne dikin
Ji rûniştgehêñ zangoya Helebê, Fakulteya Adab, bipirse.
U ji (.....) bipirse û bi bipirse:
Ka min çend caran, dûmana rondikêñ xwe,
di nav tabloyêñ Qilêç û Gulî de,
winda kirine.

Ji bayê,
ko ji ber keziyêñ zerî û esmeran,
ber bi ba dibû,
bipirse.

Aaah, min çendê caran,
hiş û sewdanê xwe, sipartiye dengê Miço!?

Bes e, min tevlîhev neke.

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Birînên min ên sava, şiyar neke.
Ez çi bibêjim û çi nebêjim;
Tu bi xwedê kî,
Devê birînên min, venekî.
Bêhna kewdanan têt
Ji hêlekê ve, dê
Ji hêlekê ve, bira
Ji kê re bibêjim?
Ji kê veşêrim?


Çîrokvano, dem van çîrokan nasipêre xwe.

Li kûrika xwe, bigere.
Bi reşpekan, tu bîranînên xwe,
liber bê dikî.

Dergeh bigire,
şev ji havîbûna xwe, wê bête der.
xemgmya min a piroz,
dema tu derbas dibî,
serimest û sergerdan dibe.
Daristanek ji evînê -Ez neşiyam bêm-
di çavê te de, dixwînim.
Were cana min,
bila ew bixûr,
di ser serê me re, hilbiperike.

Ezê qurbanekê..
ji xezala xwe ya SOMERî re, girêdim.
Berî kitika reş bi zarokan re, derbikeve,
Em, bigihin "keştiya Nûh".
Em, bigihin "Keştiya Nûh".

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêsi reşgirêdana Newroza we dike!**



DRUCK - KÜNDENZICH

FÛAD GEMO


**DUGIR, deh mümên şînigiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**



**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**



**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêsi reşgirêdana Newroza we dike!**



DURVÊN HUNERÎ YÊN ÇIROKA MEM Ú ZÎN



Rêdûzkirin

Gelek nivîskaran, naveroka çiroka Mem û Zîn a helbestvanê gewre Ehmedê Xanî, dane ber xwe, û xwe pê mijûl kirine; nêrîn û behweriyên wî mirovî kêm-zêde diyar kirine. Lê durvê çirokbêjiya wê, tevî ko balkêş e jî, piraniya nivîskarên, ko Xanî û Mem û Zîn ji nivîsarên xwe re kirine mijar, bala xwe nedane vî durvê hunerî.

Di pirtûka xwe de "Ehmedê Xanî di destana helbestî: Mem û Zînê de", Ya ko bi zimanê erebî çap bûye, Ez di ber vê mijarê re bi lez derbas bûme. Vêca ez dê di vê lêkolînê de, li gel wê mijarê hinekî bi firehî rawestim.

Lê divê ji bîra me neçe ko durvê hunerî û naverok, bi carekê, ji hevûdû bidûr nakevin. Çunkî têkiliya herdiwan li gel hev, wek ya giyan li gel gewde ye. Lewre ev durv û naverok, hîç, ji hevûdû naqetin, ji ber ko gewde bê giyan miriye, jiyan tê de nîne. Arnest Fisher dibêje: "Ger em bala

xwe, tenê, bidin naverokê, û durv jî li pêpelûka diduyan deynin, hingê em karekî bê hiş dikan. Çimkî huner, bi xwe, durvkirin e; huner durvê tiştan dide, û tenê durv her afrandinekê dike karekî hunerî. Durv ji bo huner û jiyanê tiştekî gelekî pêwîst e, mercê serkeftin an binkeftina her karekî hunerî, durvê wî karî ye, ji ber ko ev durv, di qelsbûn, an bi hêzbûna wî di karê hunerî de roleke girîng heye."

Avahiya çîrokbejiyê yekîtiyeke hevgirêdayî heye, ko bi carekê nayê jihevxitin an beşkirin, çunkî hemî beşen wê avahiyê li gel hevûdû, di wênekirin û birêvebirina bûyerê de hevkar in.

Lê tevî van rastiyar, rexnegir û lêkolînvanan, ji neçarî, durvê hunerî û naverok ji hev dubeş kirine, da karibin herdiwan bidin ber ronahiya ravekirinê. Lewre jî em, li vir, xwe bêçare dibînin ko vê rêkê bernedin.

Gava mirov Mem û Zîn a Xanî dixwîne, pehlewaniyeke payebilind di teknîka avahiya wê, û şêweyê derbirinê de dibîne. Ev pehlewanî jî di paş gelek tiştan de numa dibe, wek zindiyeyeke nerm ko deziyên bûyer tê de dilivin, û hêzeke balkêş ko wêneyên mirovan, yên derûnî û ramanî pê re diherikin, û çelengî û germiya rengan, û rewneqa wêneyan, û rindiya wekhevkirinê hunerî, ko di navbera zimanekî zîz, û bi hêmanê helbestiyê gelekî dewlemend re numa dibe.

Çarçewa gelempêr a çîrokê

Ev çîrok, wek destaneke helbestî, Xanî şêweyê wê ji zargotina kurdî wergirtiye, û xistiye durvekî helbestî gelekî bi hêz û lihevhatî ko li ser rista mesnewî ava bûye.

Çarçewa gelempêr a vê çîrokê, ji ya hunera destana rojhelatê bi dûr nakeve. Hemî destanên rojhelatê ji Şehnama Firdewsî ve bi pêşgotineke, ko axiftin tê de di gel Xwedê û pêximber dibe, dest pê dike, di dûv re jî helbestvan hemî beşen destanê li gel hevûdû girêdide, da ko derbasî hundirê bûyeran bibe, û paşê dest bi vegotina bûyeran dike, û bi pendekê yan bi şîretekê, ko ji bûyeran, an ji destanê tevî, tê wergirtin, destana xwe kuta dike.

Xanî, di çîroka xwe de, ji vê rîgayê derneketiye. Hemî beşên çîrokê bi vî awayî birine serî. Destan, li gel Xanî, bi navê Xwedê dest pê dike:

*Ser nameyê namê namê Ellah
Bê namê wî na temame wellah.*

(rûpelpel: 17. malik: 1 k:1)

Pêşgotina çîrokê, li gel Xanî, bi şes beşên ko bi 284 malikan dagirtîne, hatiye raxistin. Xanî tê de pesnê Xwedê û karînên wî, û pesnê pêximber dide, di dûv re jî nêrînên xwe di dînyayê û jiyanê de diyar dike, û derbasî pergal û rewşa gelê xwe dibe, wek pêşenekî ramyari rîgayê çareserkirina doza wî pêşkêş dike, û hin bi hin rî dûz dike, da têkeve hundirê bûyerên çîrokê, lewre wêneya mîr pêşkêş dike, û di nav re jî berê xwe dide kesên çîrokê yên dîtir, her yekî ji wan di navbera hin malikan re pêşkêş dike, û pênasîneke kurt dide, di dûv re jî bûyer û beşên destanê diherikin, û bi encamên ko ramana Xanî numa dîkin, kuta dibin.

Ev çarçewa gelempêr (pêşgotin, rîdûzkirin, bûyerên çîrokê û encam) ne tenê derdora çîrokê bi tevayî digire, lê her beşekî çîrokê jî hembêz dike. Di pêşgotinên beşan de, pirê caran hin malikên ko Xanî tê de li ser rojhilatin û rojavabûnê dipeyive, tê, an jî karînên Xwedê di afrandina dînyayê de berçav dike, wek vê pêşgotina beşekî:

*Xellaqê cîhan ji feydê qudret,
Heyatê felek bi wecih futret,
Bê qalib, û bê muhît, û miqyas
Bê alet, û bê müşr û miqyas.*

(rûpelpel: 51. malik: 470-471)

Hin caran jî, li gel Xanî, wek ko di hemû toreyêñ rojhelatê de, nemaze jî ya erebî, di pêşgotinê de pesnê şûnmayêñ dilberê, yan jî pesnê meyê tê, wek vê pêşgotinê:

*Saqî tu ji bo Xwedê kerem ke,
Yek cur`eyê di camê cemke.*

(rûpelpel: 30. malik: 189)

Carcaran jî beşên çîrokê, bi hin destpêkên folklorî dest pê dîkin, û di dûv re jî rîdûzkirin tê, lê bi şêweyekî helbestî, hunerî û qeşeng, ko xwendevan ji cîhana helbestî bi dûr naxe. Xanî di vî şêweyî de gelekî jîr û jêhatî ye, bi destêñ xwendevanê xwe digire, wî dibe nav bûyeran, an jî wî bi

bûyran re dimeşîne; ew bûyerên ko xwendevan bi boneya encama beşê çûye, û pêşgotina beşê tê, jê bi dûr ketibû.

Xanî, ne tenê bûyeran pêşkêş dike, û dide me, lê nêrîn û ramanêñ xwe jî li wan bûyeran siwar dike, bêyî ko me ji germiya bûyer û lihevhatineke hestî bi dûr xîne.

Dawiya beşan jî pirê caran wek pendekê, an şîretekê tê, ew pend jî an ji metelokêñ gelêrî hatiye birin, an jî ji hin metelokêñ gelêrî, ko niho hene, hatine girtin. Ev yek jî girêdayêñ Xanî li gel afrandinêñ gelêrî diyar dike.

Hêmanêñ hunerî:

Hêjayî gotinê ye, em bibêjin ko her çîrokek, an romanek xwe dispêre hin hêmanêñ hunerî serkeftina çîroknivîs jî ne tenê bi heyîna wan, lê bi cihgirtina wan ve jî girêdayî ye.

CİGEH

Hêmanekî giring e ji hêmanêñ avahiya çîrokbehîjîyê, ko bûyer tê de pêk tê, û mirovên çîrokê tê de dilivin. Çunkî her bûyerek jê re cîgehek dive, û bi nîr û adetên wî cîgehî ve girêdayî ye. Ev yek heyameke zindî dide çîrokê, ji ber ko hundirekî derûnî ji bo çîrokê peyda dike. Ev hêman di çîrokê de, rola tabloyan di şanoyê de dilîze, ji ber ko tiştekî xuya ye; berçav e, ko alîkariya xeyala xwendevan dike.

Cîgeh, bi wêneyêñ xwe, yên ber bi çav, û bi rewîst û gerdişê û adetên mirovên ko tê de dijîn, û têkliyêñ wan mirovan bi hevûdû re roleke sereke di çîrokê de werdigire, da naveroka wê, ci civakî û ci konevanî be numa bike.

Lê tiştê herî giring ew e, ko di çîrokê de divê cîgeh û hêmanêñ dîtir lihevhatî bin. Ci gava çîroknivîs cîgeh ji bo çîrokê bike destpêk, û di dûv re bûyer û kesan wêne bike, an cîgeh di navbera wênekirina kesen çîrokê re birewşîne, ev yek kengê be, û di çîrokê de li kû be, bê wênekirina heyama tevayî nabe, pênasîna vê heyamê zor girîng e, da xwendevan her tişt û nîrîn ko li derdora bûyeran hene, binase.

Bûyerên çîroka Mem û Zînê, li nik Xanî, li Cizîra Botan dest pê dikan, û diçine dawiyê, vebijartina vî cîgehî ji bo vê çîrokê nîşana serkeftineke hunerî ye, ji ber ko gelek

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

girêdanê bi rewneq û qeşeng di navbera xwerista Cizîrê û evîna herdu evîndaran de hene. Xwerista Botanê, bi kohêñ xwe yên bilind û daristanêñ xwe yên, ko nigêñ xwe berdidin çemê Diiclê, û gulşengêñ xwe yên rengareng, û payebilindiya Botan ko di dîroka tevgera azadîxwaza gelê kurd, ji bo ji dayikbûna evîna herdu evîndaran "Mem û Zînê" cîgehekî hêja ye.

Cîgeh li nik Xanî bi destpêka bûyerên çîrokê re xuya dibe, lê tiştê hêjayî gotinê ew e, ko Xanî ciwaniya cîgeh di şenahiyê de dibîne, lewre dibêje:

*Sehra û çîmen dikirin mesken,
Beyda û dîmen dikirin gulşen.*

(rûpel . 53. malik. 489)

Sehra û beyda herdu jî peyvîn erebî ne, wateya wan çoleke bê dar û bê zevî û bê av e, lê belevbûna mirovan li wê çolê, wê dike gulistaneke xweşik û rengareng. Dîsan Xanî dibêje:

*Rabâneve xanim û xewatîn,
Wan jî tijî gul kirin besatîn.*

(rûpel . 54. malik. 503)

Ev herdu malikêñ jorîn didine xuyanîkirin, ko cîgeh bê heyîneke mirovane, bê nirx dimîne, heyîna mirovan dişê çolê jî bixemline, û çendî gulşen rindik be jî, lê hebûna mirovan tê de, wê hê ciwantir dike. Em dikarin bibêjin gava Xanî vê girêdanê di navbera cîgeh û mirov de peyda dike, û gava cîgeh bi vê rewşê dike hêlîna evîna evîndaran, hingê hejêkirina cîgeh, û pêre jî ya welêt, di dil û derûna mirov de germ dike, û rolahelbestvanêñ xweristê di warê niştîmanperweriyê de teqez dike.

Cîgeh li nik Xanî, ne tenê ev rola xwe ya ramanî heye, belê roleke wî ya hunerî yî girîng jî heye. Lewre gava mîr diçe nêçîrê, Xanî bi awakî rê düz dike, da karibe girêdanekê di navbera hestê mirov/xwendevan û heyama nêçîrê de peyda bike:

*Her koh ji rengê torê Mûsa,
Ji enwar tecellayê te Îsa.
Her nehr ji rengê ejdeha bû
Her sebze bi muicûzan e'sa bû
Her dar ji feydê nubuharî,
Yek şu'le dida ji nûr barî.
Her gul ji mîsal ateşê tor*

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

*Yek meşe'el bê qisûr pir nor.
Her murx seher bi xwe kelîmek.
Her totî û qumriyek nedîmek.
Her nexel neda kunende her gah,
Teşbîh Şecer, digo: Enellah.
Xergoş û xezal û gur û aho,
Ew qaz û quling û kebîk û tîho.
Ker ker diçêrîn li koh û deştan,
Ref ref difirîn di nêv bihiştan.*

(rûpelpel: 116. malik: 1426-1433)

Xanî wisa cîgehê nêçîrê raçavî me dike, û tîne bîra me ko armanca mîr û began ji nêçîrê ne tenê kuştin û girtina balinde û koviyâne, lê armanc seyran û ger e jî. Lewre ev malikên jorîn me dibin deştan û kohiyâne, û me li nêv gulşen û daristanan digerînin. Ev yek dide xuyakirin ko cîgeh li nik Xanî karmendiyekê derûnî ye, ji ber vê jî ev herdû malikên jêrîn, yên ko zîndana Mem li hundirê wê hatiye avêtin, direwşînin, bîhna mirov teng dikin:

*Havêtine çalekê bi zarî
Teşbîh bi gor teng û tarî
Mekrûh wekî dehan ejder
Min kir wekî nikîr û munkîr.*

(rûpelpel: 140. malik: 1782-1783)

DEM

Gava Xanî, di cejna Newrozê de, xunceyêñ evîna Mem û Zînê dibişkivîne, hîngê dilê xwe dide gelê xwe, û vî gelê jar û bindest, tev êş û kovanan, di dilê xwe de dicivîne. Lê rola demê ya hunerî, di çîrokê de, ne tenê ji vê yekê peyda dibe. Dem tevgerekê jî di çîrokan de peyda dike, livekê diyar dike, û çendî bûyer bi hêsanî û zelal di nav demê re biherikin, ewqasî çîrok jî berbi pêpelûkeke hunerî ya payebilind ve hildikişê. piştî 284 malikan, çîroka Mem û Zînê li nik Xanî destpêdi, ew jî destpêkeke hêdî ye, ko dem tê de paşeroj e(Musteqbel e), ango bûyer hê nebûye. Helbestvan bangê li meygêr dike, ko perdaxeke meyê bide wî:

*Saqî bike cam asmanî
Raha weko roh cawdanî.*

(rûpelpel: 39. ma: 285)

Ev destpêkirin li dirêjiya 75 malikan hatiye raxistin, û dem jî tê de tev mand e, rê li pêş salixdana bûyeran dûz dike. Lewre tê xuyakirin ko Xanî ne tenê xwe ji gotin û nivîsandina çîrokê re amade dike, lê dixwaze xwendevan jî têxe pergaleke derûnî, ko jê re alîkar be, da bikaribe guhdar bike, û bûyeran, bi hêsanî, werbigre. Lewre dibêje:

*Dilber li Memê biken girînê
Aşiq bikenin bi derdê Zînê*

(rûpelpel: 41. malik: 328)

Ango dilê dilberan biqırqiçe, û bo Memo bigrîn, û kesên şeyda ji dilsotiya xwe, ji bo Zînê bikenin.

Ev herdu kiryar "biken girînê, û bikenin" diyar dikan, ko hê bûyer neqewimiye, ji ber ko herdu jî mandeyî ne. Kiryarêñ mandeyî tevgerê di çirokan de sist dikan, an berbi nebûnê ve dikşînin, û asta hunreriya wan nizim dikan. Lê ev ziyan negîhaye çîroka Xanî, ji ber ko Xanî, li vir ne çîrkê dibêje, lê xwendevanê xwe amade dike, da çîrokê bixwîne, û wî têbigihîne. Ango Xanî bi nêrîneke xweser li demê temâşe dike, dem li ba wî rola agehdariyê dilîze, da girêdanekê; têkiliyekê di navbera çîrokê û xwendevan de peyda bike.

Lê gava dest bi çîrokê dike, wê li şêweyê vejerînê siwar dike, û dem li gel wî berbi paş ve dizêvire, lewre jî kirarêñ buhêrekî, û kesên çîrokê yeka yek, bi vî şêweyê buhêrekî direwşîne:

*Ko padîşahek zemanê sabiq,
Rabû di hikmeta xwe faiq.*

(rûpelpel: 44. malik: 363)

Çîrok li gel Xanî bi salixdana kesan dest pê dike, ev salixdan jî di nav demeke buhêrekî re tê, û pê re jî girêdanekê hunerî bi hêz di navbera pêşgotinê û çîrokê de tê girêdan, ji ber ko çawa dem di pêşgotinê de hêdî û rewan bû, wilo jî di destpêkê de hêdî dom dike.

Xanî, bi vê yekê, ji alîkî ve xwendevan bi hêsanî dixe nav bûyeran, û ji alîkî dîtir ve jî paşeroja kesên çîrokê numa dike û rê li pêş birêvebirina wan kesan dûz dike.

Ji ber van xalan, dem di çîroka Mem û Zînê de, demeke dîrokî xuya dibe, Ev yek du tiştan eşkere dike, yek ji wan hebûna çîrok û nav û evîna Mem û Zînê berî ji dayikbûna

Xanî ye, û ya dîtir jî ew e, ko Xanî ji dîrok û kelepûrê gelê xwe peyamê werdigire.

BÜYER

Hêmanekî giring e, ko çîrok bê wî ne çîrok e. Hemî hêmanên çîrokê, yên dîtir dixebeitin da karmendiya wî bikin. Ev hêman di bingeha xwe de, pir girêk e, çinkî her lêkerek di hundirê xwe de pir lêkeran dicivîn e, û ji wan hemiyan peyda dibe.

Xanî, bûyerên çîroka Mem û Zînê bi awayekî klasîkî ava dike; ango bûyer, li gel wî, di sê qonqxan re derbas dibe, ji wan her sêyan re tê gotin: destpêk, navend, û dawî.

Di destpêkê de, ko jê re (rawestin) jî tê gotin, em agahdar dibin ko dem buhar e, xelkên Cizîra Botan xwe amade dîkin, da sibê ji bajêr derkevin, biçin koh û deştan, seyranê bikin, ji ber ko roj 21ê avdarê,cejna Newrozê ye. Sitî û Zînê; herdu xûşkên mîrê Botanê, cilêñ mîran li xwe dîkin, da bikaribin tev li wan bibin, û her yek ji xwe re xortekî layiq hilbijêre. Tajdîn û Memo jî cilêñ jina li xwe kirin da tev li jinan bibin, û wan herdu keçikên ko çelengiya wan li Cizîrê nav û deng daye bibînin. Li vegevê her çar hevûdû dibînin, lê bêyî hevnaşînekê Sitî û Zînê nigînên xwe bi yên wan diguhêrin, û têne malê. Pişt re her çar dipirsin, bizav dîkin da hevûdû nas bikin. Pîrejinek, ko li seraya mîr berdestiya Sitî û Zînê dike, dibe alîkar, û wan bi hevûdû dide nasîn.

Tajdîn ji xwe re Sitîyê dixwaze, û mîr wê daxwazê dipejirîne. Mem û Zîn weha, du evîndarêñ ko ji hevûdû dûr dimînin, û bi sotin rojêñ xwe derbas dîkin..

Li navendê bûyer birêve diçe, û astengêñ pirgirêk û dijwar dikevin pêş Mem û Zînê. Beko; dergevanê mîr wan astenga bi hêz û dijwar dike, û agirê neqenciyê gurtir dike, û bi sergermî mîr têve dide, da Memo bavêje zindanê. Tajdîn û herdu birayêñ wî Arif û Çeko, dostan li dora xwe dicivînin, û diçin ba mîr, rizgariya Memo dixwazin, ger mîr bi ya wan neke, wê bi hêza şûran wî ji zindanê bi derxin. Mîr jî, li gor nêrîna Beko, dest davêje planan, soza berdana Memo dide wan. lê soza xwe bi cih nayîne.

Li dawiyê, Beko planêñ xwe yên qirêj didomîne, şîretê li mîr dike, ko hemiyan bikuje, jehrê bide: Tajdîn û birayêñ wî,

destûrê bide Zînê, da biçe ba Memo, hîngê ne Memo, û ne jî Zînê dikarin xwe bigrin, hevdîtina wan dê wan bikuje.

Tevî ko mîr dizane ko ev pêşniyara Beko gelekî qirêj e jî, lê besê wê yê diwem bi cih tîne. Hingê Zînê xemlandî û gelek jinêñ Cizîrê li pey wê, ji malê derdikevin, diçin zindana ko Memo tê de ye, lê berî bigihêjin wir, dergevanê zindanê tê, û nûçeya mirina Memo pê re tê, û wek birûskekê li bin guhêñ Zînê dikeve. Tajdîn dibihîze, û bi hêrs diçe; Beko dikuje, lê gava diçe ko mîr jî bikuje, ew tê girtin û girêdan. piştî rojekê, hemî xelkên Cizîrê, bi girî û şîn li pey termê Memo diçin goristanê, û wî di gorê de vedîşêrin. Zîn digihêje gorê û ketineke bê rabûn bi ser de dikeve, vêca gorê vedikin û Zînê jî li kêleka Memo datînin.

Ev in hersê qonaqêñ bûyerê di vê çîrokê de, her yek ji wan bûyer dighîne ya dîtir, û hersê jî wî bi rê ve dixin. Bi hebûna wan her sêyan, bûyer yekîtiyeke hunerî distîne, û ji nûçeyan cida dibe.

WATE

Lê gelo ev bi rêvebirina ko bûyeran di sê qonaxan re derbas dike, û yekîtiyeke hunerî jê re peyda dike, dikare bûyereke lihevhatî bi wêne bike?. Em dibêjin:

Na, nikare. Çinkî bûyer bi xwe, wênekirina kesîtiyeke, ko di kar de ye, ew kar jî bê wate nabe. Lê bi carekê çenabê ko ev wate wek perspanekî têkeve ser bûyerê, dive wate ji hundirê bûyerê bê, ne ji derveyî wî, ango ew beşek e ko qet ji bûyerê naqete, ji ber ko her sê hêmanêñ bûyerê; lêker û kirar û wate yekîtiyeke nebeşkirî peyda dikin. Eger lêker û kira bê wate bin, bê nirx jî dimînin.

Ev rastiyêñ jorîn pirsekê li ber me datînin: Gelo çîroka Mem û Zînê, xwedan wate ye?. Ger hebe, ew wate çi ye?.

Xanî ev çîrok di demekê de, ko bûyerên germ û balkêş, li Kurdistanê dibûn afirandiye. Di hundirê Kurdistanê de gelek birînêñ kûr hebûn, maka hemiyan jî perçebûna mîrîtiyêñ kurd bû, ko bûbû sedemeke sereke ji sedemêñ du beşkirina Kurdistanê ya di nevbera Osmaniyan û Sefewiyan de, wisa serax û binaxa welêt ketibû destêñ wan, mîrêñ kurd jî her yek li serê xwe siwar bûbû, û guhêñ xwe nedidan deng û bangêñ welathezan û gelê xwe perîşan û di bin destê

dijmin de hiştin. Di wan nîrêñ teng û dijwar de, Xanî di sala 1695an de ev çîrok nivîsandibû.

Eger em li çîrokê vegeerin, em dê bibînin ko Xanî, di navbera herdu kesan de ji kesên çîrokê, girêdanekê peyda dike: Sitî û Zînê, Tajdîn û Memo, Mîr û Beko. Lê gava Tajdîn û Sitîyê digihêjin hevûdû, li hemberî girêdana ko di navbera Sitî û Zînê de, û ya ko di navbera Tajdîn û Memo de heye, sist dibe, lê ya di navbera Mîr û Beko de heye bi hêz dibe, dom dike, ta ew herdu bi serdi Kevin. (kuştina Beko ziyanê nagihîne vê encamê).

Livandina kesên çîrokê bi vî awayî, ne ji ber xwe ve wilo bûye, wateyeke vê livandinê heye, ew jî wek em dibînin ew e ko Xanî dixwast bigota: Bê yekîtî û hevgirtin, serkeftin nîne.

Ji hêleke dîtir ve, me dîtibû ko mîr bi carekê guhê xwe nedabû gazin û nalînê xûşka xwe Zînê. Lê her û her guhêne wî li pêş pendêñ dergevanê wî vekirîbûn. Xanî, xwestibû şêweyê karbidestiya wê demê, di navbera van têkiliyan re bide xuyakirin, û neyîna sergêrên gelê kurd di hiş û xewnenê mîran de diyar bike.

Ev wate ji hundirê çîroka Mem û Zînê tê wergirtin, û dide xuyakirin, ko lêker û kirar; ango bûyer û kesên çîrokê jê re karmend bûn. Ango huneria vê çîrokê bi vê gavê digihêje asteke bilind.

Eger em bêne hêla kesên çîrokê, em dê bibînin ko ew kes yekser derbasî nava bûyer nabin. Helbestvan bi pênasîneke kurt, rê li pêş derbasbûna wan dûz dike, ew rêdûzkirin jî bi navê wî kesî dest pê dike, û di pişt re, Xanî rewşen wî diyar dike, û wêneya wî dikole. Bi vî awayî ew kes derbasî nava bûyeran dibe, da, bêyî hêrs, û bêyî ko alîkariyekê ji hêla helbestvan bigire, xwe bi xwe, xwe numa bike.

Herdu keç; Sitî û Zînê, wek hev in, hevxwiş in, ji malbata mîr in, çeleng in. Lê kîjan wê ber bi navenda bûyeran ve biçe, bibe lehenga çîrokê?. Helbestvan bersivê nade. Rê dide herduyan. Lê yek ji wan tê pêş, û li gel bûyer hin bi hin mezin dibe, û tîrêjan ber bi xwe ve dikişîne.

Me ew herdu, bi cilêñ mîran dîtibûn, ji mehrecana cejna Newrozê vedigeriyan, û şanêñ evînê li wan beloq bibûn. Hêlana pîr tê ba wan, gustîlkan di tiliyên wan de dibîne, gustîlkan dixwaze, da xwediyên wan nas bike. Li vir rê ber bi sayîbûnê ve diçe, û nîşanêñ hundirêñ kesan ber bi roniyê ve diçin.

*Hazir Sitiyê nigîn deranî,
Da dest 'ecûzeya zemanî.
Zînê weha gote heyzebonê:
Min dil bûye werteyek ji xwînê.
Gava weko werte tête coşê,
Weqtê ko dikît bikit xwerôşê.
Teskîn dikît ew nigîn dilê jar,
Dem dem ko didin di çesmê xwînbar.
Zinhar eger dibî nigînê,
Zû bîneve bo me dil hezînê.
Lew re bûye bo me sebr û saman,
Ew bo mine xatema Silêman.*

(rûpelpel: 69. malik: 720-725)

Ev malikên jorîn didine xuyakirin ko Zîn xwe têvedide navenda bûyeran. Li hêla din, herdu evîndarên şeyda; Memo û Tajdîn jî evan gavêن bê tebat dijîn, û ew pîrejin tê ba wan, nigînan (gustîlkan) ji wan jî dixwaze. Ma gelo kîjan wê xwe têvede navenda bûyeran?. Ne helbestvan, lê

*Ev malikên jérîn bersivê didin:
Tajdîn nigîn ji dest deranî,
Da dest 'e cûzeya zemanî.
Mem tê fikirî ko bê nigînê,
Kengê diketin medar û jînê.
Go: Dayê tu min bidêre me'zûr
Kî can didet ji dest xwe destûr.
Ev xateme ism e ger tilsim e,
Min can ew e, qalibê me cism e.
Sedeqê ser û zilf û xalê zînê,
Mestîne ji dest me nigînê.*

(rûpelpel: 75. malik: 813-818)

Belkî ev xal, ji bo girêdanekê di birêvebirina hundirê kesayetiya Memo, û girêdana wî li gel bandorêñ derveyî û bûyeran tevan, bûbe destpêkek, da ev kesayetî hin bi hin mezin bibe, û di navbera bandor û per lêxistinêñ hunermendekî gewre de, ber bi hev bê, ev hunermendê ko hunera xwe û hemî tiştêñ der û hundirê cîhana lehengê xwe, bi dest xwe xistine, û tiliya xwe bi hêz, daye ser alavêñ xwe yên hunerî, da ew kesayetî ji navbera komêñ bandoran bi hêz derbas bibe navenda lehengiyê.

Bi vî awayî kesayetiya Memo, li gel bûyerê, bi rê ve diçe, ango kesayetiyeke venîştî ye, bi liv e, hin bi hin mezin dibe û bi pêş ve diçe.

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Gava helbestvanê me kesayetiya Beko nîgar dike, ev wênekirin li himber a Mem û Zînê, tê guhertin, û digihêje asta karekî gihiştî, ji bo wênekirina kesayetiyeke berz û balkêş, û xwedî wêneyê xwe yê dîrokî, wek nûnerekî hêzên neqenciyê.

Çi reng û sixêf û rewş hene, helbestvanê me ewan gişkan bi kartîne, da wêneyeke qirêj û ne qenc ji vê kesatiyê re peyda bike, û pişt re jî rê bide wê, da ew, di çîrokê de, wek roviyekî, dek û planan bike, û tevger û bizavêñ xwe bidomîne.

Li hezar plan û rêkêñ nedurist siwar dibe, ber bi armanc û daxwaza xwe ve diçe, dide û distîne, gotgotan dike, armanca xwe nîşan dike, da di dema keysdar de lê de, û daxwazê bi cih bîne.

Kesatiya mîr û ya Beko, di çîrokê de hev û du temam dîkin. Xanî dide xuyakirin ko yek bê yê din nabe. Guh bide mîr çi dibêje:

*Em qismê mîr, qismê aşin,
Pîrr fetl û gerîn, pêş û paşin.
Naçar ji bo me aşvanek,
Labude ji bo me dergevanek.
Hingî bi hikmetê dîkin dewr,
Geh 'edle ji bo mekar, geh cewr.
Her çend Bekir weled zîna ye,
Aşê me ji wî bi fetl û ba ye.
Ev zumre ko zalim û 'ewanin,
Subaşî û şehne dergevan in.
Aşêd me zaliman digerin,
Dexlêd me zalima dihêrin*

(rûpelî : 96-97. malik. 1140-1145)

Bi vî awayî, Xanî, kesayetiya mîr ber bi çav dike, û hevalbendiya wî û dergevanê wî, li gel hevûdû girê dide. Eger Xanî, ji vê yekê nêrîneke taybetî, ko bedkariya karbidesîn dema xwe diyar dike, heye, bê guman ew bi vê yekê, me bi pêşeroja vê hevalbendiya qirêj jî hayedar dike, ko ewê astengan deyne pêş evîna Memo û Zînê.

TEVNA ÇÎROKÊ

Eger em bêne ser tevna hunerî, em dê bibînin ev tevn, li gel Xanî, bi alavêñ derbirîneke hunerî dewlemend û zindî ye jî. Alavêñ wî hin caran vebêjî ye (serd), û hin caran jî pesn û salixdan e û carcaran jî axiftineke xweyî û

hundirînî e, û hevpeyvîn e jî. Ev alav tev li milêñ zimanekî zîz, ko karînêñ zimanzanîna Xanî ber bi çav dikan, siwar dibin.

ÇIROKBÊJÎ

Çirolbêjî hêmanekî giring e, di çirokê de xwedî roleke payebilind e, çimkî bûyer ji wêneyên hebûyî (waqîf) diguhêze wêneyekî zimanî-hunerî, karê çirokbêjiyê jî ew e ko bikaribe rewşen axaftina hunerî, di dest xwe de, bike alîkar, da hişê xwendevan têxe pergaleke nîşankirî de, ji bo bikaribe naverokeke çeleng, wek ko çawa nivîskar dixwaze, bîghîn e.

Ji bo pêkanîna vê daxwazê, dive nivîskar, di avakirina durvê derbirîna vê naveroka çeleng de, ya ko di hişê xwe de ava kiriye, dive bi karekî gelekî mezin rabe. Lewre em dibêjin vebêjî û çirokbêjiya di çirokê de rolek e girîng dilîze.

Ji bili vê jî gelek cureyên xeberdanê(vebêjiyê) hene, wek xeberdana xwebixweyî, ko nivîskar tê de bernavê "ez" bikar tîne, an jî xeberdanê dide dest çirokbêjekî. Ev cure hêasantirîn şêweyên xeberdana bûyerên çirokê ye, lê kîmasiyên wê jî hene, çînkî hin caran xwendevan, û belkî rexnegir jî, vî cureyî wek jînenîgariya nivîskarî dibînin.

Cureyekî dîtir heye, jê re tê gotin (şêweyê bîranînan). Nivîskar li vir jî cînavê "ez" bi kar tîne, û bi zimanê lehengê çirokê diaxive, û ji her bîranînekê re dîrokekê datîne. Di vî cureyî de, nivîskar lêkerên buhêrekî, ko di nav wan re bûyerên çirokê numa dibin bi kar tîne.

Cureyên sîyem, ko jê re (şêweyê nameyan) tê gotin, nivîskar tê de ji nameyên ko di navbera lehengên çirokê de diçin û têñ sûdê werdigire, û kesen çirokê û sergêrên wan kesan numa dike, û heyama gelempêr a çirokê ber çav dike.

Lê cureyê herî binav û deng, ko Xanî jî di çiroka xwe de bi kar tîne, xeberdana yekser e, ko (şêweyê destanî) jê re tê gotin.

Di vî cureyî de, nivîskar, bernavê nediyar bi kar tîne, kar û barê wî, di vî cûreyî de karê dîrokzanan e, bûyeran li pey hevûdû vedibêje, kesan pêşkêş dike, bizavêñ wan şirove dike. Nivîskar li gel wan bûyeran, û wan kesan meşeke xweşik dimeşe, ta ko bûyer digihêjin dawiyê.

Hêjayî gotinê ye: Di vî cûreyî de, nivîskar hêza xwe nadê ser kesên çîrokê, zanîna wî ya li ser wan, ji wan bi xwe ne pirtir e. Lewre ji dûr ve çîrokê vedibêje, bûyer û kesan ji derve salix dike, tenê tiştênuma wek azadî, têkilî û encamêñ wan, dibêje. Lê wateyêñ ko di paş wan tiştan de hene, ji xwendevan re dihêle, da ko xwe bi xwe tê bigihêjin. Xanî ji destpêka çîroka xwe ve vî cûreyê çîrolbêjiyê bi kar tîne. Eger mirov lê vegere, dê bibîne bê çawa kesên çîrokê pêşkêş dike:

*Ko padîsahek zemanê sabiq
Rabû di hikometa xwe de faiq
Textê wî cizîr û bext mes`ûd
Tali'qewî meqam mehmûd
Asar şeca'eta wî sahî,
Dagirtî ji mah ta bi mahî.*

(rûpelpel 44, malik: 363,365,371)

Û gava kesên Cizîrê xwe ji bo cejna sersalê amade dikin, Xanî dibêje:

*Hikmet ew e ew hemî li kar in
Hindek di peya û hin siwar in
Bîlcumle diçûne der ji malan
Heta digihêste pîr û kalan.*

(rûpelpel: 52, malik: 474,487)

Çîrokbêjiyê firehtirîn cîgeh di çîroka Mem û Zînê de dagirtiye lê mixabin huneriya wê hin caran ji dest helbestvanî derdikeve û hêza wî ya xeberdanê giran dibe, wek ko em di van malikên jêrîn de dibînin, Xanî rê nadê me, da em bi xwe mîrê Botanê nas bikin, û ne jî dihêle ew xwe bi me bide nasîn, dîsan nahêle em bi xwe bibînin bê çawan xelkên Cizîrê ji malan der têñ, lê ew bi xwe şanî me dike. Ev yek huneriya xeberdanê qels dike. Ma gelo Xanî nedizanî karê xeberdanê ci ye? Em bawer nakin. Çinkî hin caran xeberdan hêsan û zelal dixuye, û nerme-nerm diherike, hêza helbestvanê me li ser xuyanî nake, ango hin caran xeberdan, li nik Xanî digihêje astayêñ hunerî yên bilind, wek çawa di van malikên jêrîn de tê xuyanî kirin:

*Tajdîn ji tewabi'én xwe yek pîr,
Tê'ín kir, û şihande cem mîr.
Gotê: here bêje mîr û axan,
Bêninde venakujin çiraxan*

*Em çar bira hebûn di sadiq
Herçar li xidmeta wî di aşiq
Însafê ko zêdetir ji salê
Mem mayîye vê xwedan, çalê?
Dijmin li me şâ ne, dost xemgîn
Ferde mirina çeko û Tqajdîn*

(rûpelpel: 14 ma: 1916-1921)

Lê tiştê hêjayî pesnê ew e, ko pirhatina xeberdanê tu ziyan negihandiye avakirina çîrokê, ango di çîrokê de xeberdan ji derveyî bûyeran nehatibû, û her car xweşiktir û tevlî salixdanê dibû, û ciwanî jê werdigirt.

SALIXDAN

Salixdanê çîrok tev girtiye, û perê Xanî tê de wek ê hostayekî zîrek xuyanî dibe, li hember salixdana ko Xanî dide gulistana mîr, û ya ko dide herdu xûşkan "Sitî û Zînê" û dilêrî û dilsoziya Tajdîn, mirov behitî dimîne. Û gava li hember xwerista Cizîra Botan disechine û bêhna xwe jê dadigre, vê dîmena çeleng wek tabloyekê diyarı me dike:

*Her yek ji newal û koh û deştan
Reh şubheyê goşeyê bihiştan
Her rewde riyad xuld ekber
Her çeşme ji e'yn ab kewser
Herr koh ji reng torê Mûsa
Ji enwar tecelayê teyîsa
Her nehre ji rengê ejdeh bûn
Her sibze bi mui'cuzan e'sabûn
Her dar ji feydê nubuharî
Tek şui'le dida ji nor barî*

(rûpelpel: 116. malik: 1424-1428)

Tiştê balkêş ew e, ko salixdana Xanî ne xav e, û nejî rij e, ji ber ko li gelek wêneyên hunerî siwar dibe. Ev yek ji heyameke tijî tevger û reng di çîrokê û di şêweyê helbestvan de peyda dike, û pê re jî çîrokê dike tabloyeke hunerî, ko helbestvanê hunermend di afstrandin û çêkirina wê de karekî mezin û xebateke gewre kiriye. Keçen bedew li deştan û çolan belav dixin, û wan beriyan dikin gulşen:

*Sehra û çîmen dikirin mesken
Beyda û dîmen dikirin gulşen*

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêsi reşgirêdana Newroza we dike!**

(rûpel 53. malik 489)

Û gava dixwaze bandora, ko evîna herdu keçikan; Sitî û Zînê li Tajdîn û Memo kiriye, numa bike, pirsê dide dest herdu evîndaran, û bi zimanê wan dibêje:

*Ew mîwe li kî cihî gihane
Ev gul li ci gulşenê numane*

(rûpel 59. malik: 574)

Diyar e ko mîwe nîşana bandora evînê ye, û gul jî herdu keçikên çeleng in, lê gava germbûna evînê ber bi çav dike, evîndaran dixe nava êgir, cegerêwan disotîne:

*Ew bûne li van ceger kevandin
Ew bûne ko van bi dil hebandin*

(rûpel 62. malik: 624)

Pirîcaran wêneyêñ hunerî li ber perê Xanî dibine tabloyeke hunerî, bê kîmasî, ko zîrekî û jêhatiya wî di afrandina wan zindî û gerînî de ber çav dike, wek vî wêneyê, ko ji şingîniya tîr û şûran, heyamek tijî deng û qîrîn tê de peyda dibe:

*Dirrinde dirandibûn bi şîran
Perinde pirandibûn bi tîran*

(rûpel 117. malik: 1449)

Hincaran jî em dibînin wêneyêñ gulan dicivîne, li kîlekêñ hevûdû datîne û di pê re jî hin wêneyêñ nû, ko li wekhevkirinêñ hunerî yêñ nû siwarbûne, jê peyda dike.

Çelengiya gulan ya di gulşenan de, û ya ko di helbestan de hatiye çêkirin, di van wêneyêñ nû de kom dike, lê di navbera hemberhevdaneke hestî wijdanîke, ko ji reh û hinavêñ evîndarekî şeyda dertê, û bergehêñ ko di navbera herdu kîlekêñ wekhevkirina hunerî de, hene, tune dike, û dilberê ji gulan şepaltır û şengtir dibîne:

*Gul yek ne tenê, ko sedhezar in.
Gulşen didîtin di nû buhar in.
Me şoqê ko mislê wan gelek bin
Her çend ko horî û melek bin
Ew nabin mûcibê ci derdan
Lew ra ko heyin li cumle erdan
Yek bêt, û nebit mîsal hemta
Mestûr ji rengê Zîn 'enqa
'Aşıq bi ci dê bikit medar.
Bê sebr û mirin emê ci care.*

(rûpel 123-124. malik: 1538-1542)

**DUGIR, deh mûmêñ şînîgirîyê bo Helebçeya şehîd vêdixîne
û sorgulekê pêşkêşî reşgirêdana Newroza we dike!**

Hin caran jî wêneyên hunerî yên Xanî pir girêkî û li hev geryayî têñ, sûdê ji wêneyên nasbûyî werdigre. Rojava, bi hemî hêman û alavêñ xwe, wek roj, aso, û stêran li nik Xanî tê guhartin, û ev wêne jê peyda dibe:

*Êvarî ko asmanî menqel
Danî, û li wan veşar meş'el
Yê'nî ko vekuşt çirax zérîn
wergirt ji nû libas rengîn.*

(rûpel 152. malik: 1964-1965)

Wênyêñ huner, li nik Xanî, ji hêmanêñ suruştê tije dibin:

*Ew çend ji a'ridêd gulgûn
Vêkra diwarîn serşik pir xwîn
Goya ko di feslê nubuharî
Baran li gulşenan dibarî*

(rûpel 173-174. malik: 2283-2284)

Tiştâ ko di wêneyên Xanî de balkêş e, rojhilatiya wan e, bêhna hêsanîya jiyana kurdan, û derbirîna gelêrî, ya ko ketiye çarçeweke nû, jê tê:

*Go ey hewesa dil û hinava
Her yek ji we rohniya du çava.*

(rûpel 64. malik 656)

Ev gotin "rohniya du çavan" her rojê pirîcaran di derbirîna gelêrî û filoklorî, û ji devêñ pîrejinêñ kurd der tê. Ev yek bergehan di navbera Xanî û kelepûra kurdî de tune dike.

HEVPEYVÎN

Di navbera van hemî tiştêñ ko derbasbûne de, gava derî ji hevpeyvînê re vedibe, ew jî di cihêñ ko bêyî wê nabin de, tê, û bingeha hunerî diparêze, da derbirîn zelal û zindîtir bibe, û bikaribe hundirê derûna kesen çîrokê numa bike.

Hevpeyvîn, bi xwe, axiftinek e, ko di navbera du, an pir kesan de dibe. Çîrok û şano di vî warî de hevbeş in, lê di çîrokê de, hin caran tê, û di şanoyê de stûneke giring e ji bo xwesipartina nivîskarî, ji ber ko şano ji bingeha xwe de, li ser hevpeyvîna ko di navbera kesen wê de peyda dibe, ava dibe.

Hevpeyvîn, di çîrokê de, li kêlek xeberdanê, roleke hunerî, û armanceke rewşenbîrî dileyizin, ji ber ko heyameke germ

di çîrokê de peyda dike, û şêweyê drbirînê zindîtir dike, û zanîn û rewşenbîriya nivîskaran eşkere dike.

Kar û barê hevpeyvînê di çîrokê de ew e, ko perdeyan ji pêş bûyer û hêrsên kesên çîrokê hilîne, û wan biwênîne, û çîrokê bi rê ve bibe, da hêmanê dramatîka wê xurtir bibe, û hundirê derûna wan kesan ronî bibe.

Bi rastî jî hevpeyvîn li nik Xanî, roleke hêja di çîrokê de lîstiye. Eger em li malikên jêrîn mîze bikin, em dê bihêsanî bibînin ko ji hevpeyvînê pê ve, wê tu tiştê dîtir nikaribe wêneyêñ derûnî yên herdu lehengan, nemaze di hevdîtina dawî de numa bike:

*Perwanyê go: Tu xweş delîl î
Şeme'yê wehe go: Tu xweş xelîl î.
Perwaneyê go: Tu rehnema yî
Şeme'yê wehe go: Tu can fiza yî.
Perwanyê go: Tu dil fizor î
Şeme'yê wehe go: Tu sîne soz î.
Perwaneyê go: Tu padîşah î
Şeme'yê wehe go: Tu quble gah î.
Perwanyê go: Tu hor zat î
Şeme'yê wehe go: Tu nor zat î*

(rûpeljî: 168. malik. 2192-2197)

Eger ne hevpeyvîn bûna, wê salixdan, an xeberdanê, bi tenha xwe nikarîbûya ev wêneyêñ derûnî û ramanî yên mîr û dergevanê wî biafranda. Hevpeyvînê roleke bingehîn û girîng di vê pergâlê de lîstibû, û rasteqîniya wêneyêñ herdiwan ber bi çav kiribû. Em li mîr guhdar bikin bê ci ji Tajdînî re dibêje:

*Ev renge mîr digote Tajdîn:
Fî'lêd Bekir negir nizanîn
Em qismê mîr qismê aş in,
Pir fetl û gerîn, pêş û paş in
Naçar ji bo me aşivanek,
Labudde ji bo me aşvanek.
Hingî bi hikometê dîkin dewr
Geh e'dle jibo me kar , geh cewr.
Her çend Bekir weled zîna ye,
Aşê me ji wî bi fetl û ba ye.
Ev zumre ko zalim û e'wan in,
Sûbaşî û şehne û dergevan in.
Aşêd me zaliman digêrî
Dexlêd me zalima dihêrin.*

*Ev a'det tenê xas mîran
Nabînî li ber derê seqîran*

(rûpel. 96-97. malik. 1139-1145, 1148)

Û carekê Bekir dibêje mîr:

*Zahir meke tu evê û nadê
Carek vekuj agrê fesadê
Ji ew paş tu bêxe weqt firset
Zinhar medê eman û mihlet
Xesmê ko neşê bibî muqbil
Derman çi ye? şerbeta helahil
Lew lazim e ji hakiman du fincan
Yek xas xerab e yêk qencan*

(rûpel. 150. malik. 1936-1939)

Eger em li nik evan malikên jorîn rawestin, hêdî hêdî li wan mîze bikin, em dê du wêneyêñ zelal, ko mîr û dergevanê wî tê de bi awakî sayî numa ne, bibînin. Ew herdu wêne tije dek û plan in. Bê guman, hevpeyvîn arîkariya me dike, û me dîghîne wan wêneyan. Ji min ve diyar e ko Xanî ev yek baş zanîbû, lewre her yek ji wan, li cihê ko xwe tê de rehet dibîne, û li ba mirovê ko pê bawer dike, bi dengkirin dabû. Ev tiştên ko me diyar kirine, dişen teqezi bikin ko hevpeyvînê li nik Xanî, karibûye derûna kesen çîrokê wergerîne, ronahî avêtibû ser wan pêlan, û hundirê derûna wan kesan li pêş me vekiribû, heyameke zindî tijî ger û liv di çîrokê de pêkanîbû. Vê yekê jêhatiya perê Xanî di avakirina wan kesan de numa kiriye, ew jî avakirineke zindî bû, nîşanêñ penahêñ derûn û hundirê wan kesan tê de têne xuyakirin, û ramanêñ ko di hişen wan de li hevdu dikevin, sayî têne wergirtin, û me dide hember hevdijîtiyeke gelekî sayî, nêrîneke heyînî, ko ji newekheviya daxwazêñ xizanan û yêñ mîrêñ fewdal peyda dibe, bingeha wê ye.

Xanî li pey kûrkirina wêneyêñ hunerî, yêñ kesen çîrokê, û şirovekirina wan wêneyan, hê bilez û bez diçe, destan jê bernade. Pirîcaran axiftina monologê bi kar tîne, rê dide kesen çîrokê, da bi xwe, tişt û ramanêñ hundirê xwe derînin. Lewra hin caran em dibînin Zînê di nava çar dîwaran de ye, derî û pencere girtî ne, bi xwe re dipeyive.

Xanî, rewş û pergala wê, nesaxî û jarbûna wê, ji der ve de wêne dike, û pişt re xwe li hember wênekirina hundirê wê bê çare dibîne, ko nikare têkeve wî hundirî, hingê divabû rê bide xwedî, da çi tê de heye, ew bi xwe derbibire. ji ber vê yekê Xanî xwe dide alîkî, û Zîn li gel nediyaran diaxive:

*A'siq bi we wasitê cemalî
Salik bi we nailê celalî.
Wêrane ye dil we maye xalî
Qet xeyra we kes nahin hewalî.*

(rûpel 104. malik: 1256-1257).

Hin carêñ dîtir, em wê dibînin ko çawa berê xwe dide sîbera xuşka xwe Sitiyê, û pê re diaxife:

*Kay rûh û rewan qelbê Zînê
Nûra besera diyar û dînê.
Şahî ji te re, û xem ji bo min
Tajdîn ji te re û Mem ji bo min.*

(rûpel 105. malik: 1265, 12673)

Ev xwe bi xwe axiftin, bi dilsotin li gel Zînê didomîne, cidayıya ko di navbera rewşen herdu xuşkan de peyda bûye numa dike, lê Zîn ne tenê li gel sîbera sitiyê diaxive, pirê caran ew li hember perwaneyên ko li derdora agirê findan digerin radiweste, û bi wan re diaxive, û keser û hesretên dil û sînga xwe der dike.

Em vê monologê li cem Memo jî dibînin, Xanî rê dide wî, da derkeve, bi tenha biçe, li koh û newalan bigere. Bi xwe re biaxive, an bi sîtava dilrevîna xwe re, an jî li kêleka çemê Diclê raweste, û keserên xwe jê re bilorîne:

*Kay şubhetê eşkê min rewan e
Bê sebr û bê sikûnê a'siqan e.
Bê sebr û qirar, û bê sikûn î
Yan şubhetî min, tu jî cinûn î.
Qet nîne ji bo te re qirarek
Xalib di dilê te dane narek.*

(rûpel 109. malik: 13201323)

Pirê caran Memo li nik bê jî radiweste, û bi sotin û dilêş pê re diaxive, û lava jê dike da rêka xwe bi dilbera xewrevîn xîne, û bi dilekî şikestî eniya xwe ji wê re berjêr bike, silavêñ germ bighîne wê:

*Kay cismê letîf şubhetê rûh
Dergehê beden li ber te meftûh.
Ez hêvî dikim ko bê tewequef
Rincîde qedem bibî tekeluf
Carek here suddetil-se 'ed
Gavek here sudretil-nîhayet.
Ewel here bibûse astanê*

*Paşê here pêş dilistanê.
Emma bi tewadi' û te'zîm
Sed mertebe ihtîram û tekrim.
Ahiste ji bo bike du'ayê
Dabeste wê bike senayê.
Şayiste bike tu ihtîram
Dest beste vewest bike selam.*

(rûpel...: 110. malik: 1337-1343)

Tevî ko helbestvanê me, di vir de, dide pey şopêñ hin helbestvanêñ rojhilatê yên dîtir, nemaze yên ereb, û Feqê Teyran (1564-1660), lê karîbû wêneyeke zelal û sayî çêbike, ko pêlên derûnî û hêrsêñ herdu lehengan tê de eşkere xuya bibin.

Ev nimûneyêñ ko me nîşan kiribûn, didine xuyakirin, ko Xanî bi zanîn û bi jîrbûneke payebilind monolog bikar tanîn.

Çimkî karê monologê ew e ko, me têxe hundirê kesen çîrokê da tiştên tê de hene, dûrî pêşkêşkirina bûyer, yan hevpeyvîna bilêv, berçav bike, ji ber ko monolog, wek ko zanyarêñ derûnî dibînin, ji bo ronîkirina asteyêñ hişyariyê alîkarekî hêja ye; berî ko bi derbirinê bêne wergerandin.

Ev cûre teknîka hunerî, bi cûreyê nivîskarê Firansayê Edward De Jordan (1861-1949) tê naskirin. Çawa tê gotin ewî mirovî ev teknîk di çîroka (Darêñ Daristana Qutbûyî) de, ya ko di sala 1888an de li Parîsê der çûye, pêk anîbû û dabû nasîn, ko monolog axiftina kesekî naskirî ye, armanc jê ew e ko bêyî alîkariya nivîsevan, me têxe hundirê wî kesî de. Monolog axiftineke bê guhdar e, guhdar jê re nîne, ji ber ko axiftineke bê lêv e.

Tiştê balkêş ew e, ko berî monolog weke alaveke hunerî binav û deng bibe, berî vê yekê bi dused salan, Xanî karê vê alavê nas kiribû û sala 1695an, di çîroka Mem û Zînê de, bi kar anîbû, lê em neşen bibêjin ko Xanî xwediyê wê ye, ji ber ko Feqê Teyran berî wî bi kar anî bû, belê em dişen bibêjin ev xelek nîrxê wî yê hunerî digihîne asteke bilind.



ZIMAN

Di tevna hunerî de, ziman roleke payegiran dilîze, ji ber ko ev curetevn bi zimên tê ristin û xwendin, û çîrok pê heyîna xwe bi cih tîne. Ji vê pê ve ew rola nîrxbilind, zindiya zimên bingeha wê ye. Lê wê çawa ziman zindî xuya bibe?. Şîweyê tijî tevger û liv, û nêzî jiyana rojane, û ji peyvîn hêsan pêkhatî, zindiya zimên berçav dike.

Hêjayî gotinê ye em bibêjin ko çendîn bergeh di navbera heyama çîrokê ya gelempar, û şîweyê derbirinê de hebin, ewqasî zimanê wê qels, jar û bê giyan xuya dibe. Lewre bidestxistina zimên ji hêla nivîskar ve zor giran e.

Zimanê Xanî di vê çîrokê de zindî, tijî hêmanên helbestiyê xuya dibe, çunkî di navbera heyama gelempar a çîrokê û zimanê wê de, bergeh nîne. Du tiştêne sereke vê yekê teqez dîkin:

1- Tevlihevkirina çar zimanêñ, ko Xanî baş desthilatê wan bû, ew jî, zimanêñ kurdî, 'erebî, tîrkî û farisî ne, ko di wê demê de, li rojhilate bi kar dihatin.

Bikaranîna peyvîn biyanî, li nik helbestvanêñ rojhiletê, yên dema Xanî, ne kêmasiyeke zimanzanî bû, û ne jî şermeke hunerî bû. Tevî vê jî, tiştê balkêş ew e, ko Xanî ewan peyvîn biyanî dixe ristina siwarkirina hevoka kurdî:

*Rabâne ve rojekê pêkve
Fîkrîne bi reng û rûyê pêkve.*

(rûpel: 60. malik: 597)

Di vê malikê de Xanî peyva 'erebî (fikir) bi kar tîne. Ev peyv di wî zimanî de nav e, lê Xanî paşkîta lêkerê kurdî pê dixe, û lêkerekî jê peyda dike, wateya wî, di malikê de, dibe (nêrîn), çimkî wateya malikê weha tê: Rojekê herdu (Tajdîn û Mem) pêk ve rabûn ser xwe, berê xwe dane hevûdû.

Xanî ne tenê vê peyva 'erebî bikar tîne, lê belê pala xwe dide hin zimanêñ dîtir jî, û biserbilindî jî vê yekê eşkere dike:

*Kurdî, 'erebî, durrî û tazî,
Terkîb kirin bi hezl û bazî.*

(rûpel: 186. malik: 2476)

Bidexistina van zimanan, şeweystê Xanî dewlemend dike, û jê re dibin alîkar da dergehêن afrandinê li pêş wî firehtir vebin, wî ji xelekên sînorkirî rizgar dikan, da çi şîyanêñ van zimanan hebin, gişan ji bo armance xwe bike karmend, û festîvala jidayikbûna destana kurdî, ji hundirê derûna kurdî ya dilovan der bixe.

2- Xanî hemî zaravayêñ zimanê kurdî, û besêñ wan zimanan bi kar tîne. Bingeha zimanê çîroka Mem û Zînê, devoka botan e, ji kurdmanciya jor e, lê pirîcaran Xanî destêñ xwe dirêjî zaravayêñ kurdî yên dîtir dike, û peyvîn wan bi kar tîne, wek vê peyva (nedêrîn) ko fileyêñ Lorî wê bi kar tînin:

*Ey waqifê waqi'etê dêrîn,
Em xeyrete mehreman nedêrîn.*

(rûpel: 77. malik: 852).

Xanî ne tenê peyvan ji wan zaravayan werdigire, lê gava hevoka xwe siwar dike jî, bi ser ristina hevoka wan de pal dide:

*Êdî çi bibêjim , ez nizanim,
Bilmez ge ne sûyleye zubanim.*

(rûpel: 126. malik: 1577).

Di vê malikê de du zaravayêñ kurmancî hene, û hevokek bi tirkî û kurmacî, tevlihev, heye. “Êdî çi bibêjim, ez nizanim” bi kurmanciya jor, (Zubanim) bi kurmanciya jêr, û (bilmiz ge ne sûyleye) bi tirkî, ango: (zubanê min jî nizane çi bibêje). Lê tiştê ko bala me dikşîne ne tenê ev yek e, lê siwarkirina hevokê ye jî.

Di zaravê Xanî de, (Devoka botanî ji kurmanciya jor) cînav bi navan nakeve, lê di zaravê kurmanciya jêr de, dikare weha çê bibe. Ango kurmanciya jor dibêje (zubanê min), û ya jêr dibêje (zubanim).

Gelek caran Xanî hevoka xwe bi kurmanciya jêr dirêse, wek çawa di malika 765an de dibêje (şêxim), û di ya 1610,1974an de dibêje (mîrim), nabêje (mîrê min).

Nimûneyêñ ji vî cûreyî, li gel Xanî gelek in. Çimkî wek tê zanîn, di devoka botanî de, ji kurmanciya jor, pergala pirjimarî ya navan, bi paşkîta (an) tê nas kirin, wek nimûne (bajar-bajaran), lê gava ev pirjimarî têkeve ser navekî dîtir, hingê (an) tê guhertin, û dibe (êñ), wek (bajarêñ Kurdistanê). Lê belê ev (êñ) di devoka Hekarê de, dibe (êd)

**DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêsi reşgirêdana Newroza we dike!**

wek (bajarêd Kurdistanê), û di devoka Badînanê de, dibe (êt), wek (bajarêt Kurdistanê).

Her kesê ko bi hûrbînî li Mem û Zînê vegere, dikare bibîne, ko Xanî ev her sê wêne bi kar anîne. Di malika 1067an de dibêje (zilfêd, destêd) nabêje (zilfên, destên), û di yek malikê de, herdû wêneyan bi kar tîne:


*Ahoye siptî, û çavêd reş bûn,
Biskên di siyah bihn di xoş bûn.*

(rûpelî : 129, malik: 1617)

Û di malika 1085an de dibêje (kêfêt) nabêje (kêfên) û ne jî dibêje (kêfêd).

Ev nimûneyên jorîn didine xuyakirin, ko zimanê Xanî gelekî dewlemend e, û ji jiyana rojane ve gelekî nêzîk e. Ev numande jî wek em dibînin, di ramana Xanî de nîşana du tiştên hunerî û neteweyî ye. ji hêla hunerî ve, zindiya zimanê çîrokê teqez dike, û ji hêla neteweyî ve jî dide xuyakirin ko şîyanê yekkirina zimên, li nik kurdan gelek in.

Li dawiyê hêjayî gotinê ye em bibêjin, ev çîrok çîrokeke helbestî ye, ko ji 2655 malikan hatiye raxistin. Ev dirêjayî belkî karînên helbestvan, di tengâ bi karanîna yek rêzbendê re qels û jar bike. Lê Xaniyê gewre çareyeke hunerî ya hêja jê re dibîne. Helbestvanê tirk û farisan destanê xwe beş-beşî dirustin, û her beşek li pêlewazekê û rêzbendeke cida siwar dikirin, da xwe ji vê astengê rizgar bikin. Lê Xanî ev destan tev li pêlewaza (Hezec) siwar kiriye, û yekemîn car bû ko di helbesta kurdî de rê li pêş hilma xwe vekirî hiştibû, û rêzbend guhertibû malika (Mesnewî), ko herdu birêñ wê xwedan rêbendek in, ji ya malika dîtir cida ye.



Ji Dîmenêñ Cenga Mezin



SEBRÎ BOTANI

Derengiya êvareke hişk û qerisî bû... Piştî şerekî demdirêj di navbera tabûra me û (...) leşkerê rûsî de teqteqa çekan hêdî hêdî xwe li kêmê da û paşê ji nişkê ve li herdu rexan şer nema.

Dengekî bilind û kirêt gewrî li xwe dirand:

- Ew çîma şer sekinî? Kê sekinand? Çawa bê ragihandin sekinî?

Dengekî stûr û bilind bersiv da:

- Ev nîşana xêrê ye lo! De bila raweste, me ti dêr û mizgeft neşewitandine, me rezê Xwedê nebiriye, ji xwe dive raweste!

Herçend ji her 200 ta 230 neferên bloka me, hejmara kurdan ne ji 40 neferan bêtir bû, lê herdu deng bi kurdî bûn.

Di dinayayê de titişt wek rawestandina şerî kêfa esker xweş nake. Çimkî ta şer berdewam e û teqteq heye, kesê esker xwe mirovê li ber sekerata mirinê dibîne. Pê dihese ko ew ji bo kuşina xwe şer dike. Lê ko şer sekiniye, yan disekine, hingê mirin yan tırsa kuştinê, ser û dilê wî berdide û ta demekê jê dûr dikeve.

Ev baweriya kesê esker e, nemaze di şerên mezin de, ta heke ew qehreman û gernas jî be. Bi vê baweriye neferên bloka me bi giştî kêfa xwe pê xweş kirin, nemaze texmîn dikirin ko bi agehdariya herdu aliyan sekiniye. Lê ev texmîna wan şaş derket. Rastiya wê li jêr zixta sir û seqema bayê kur û berfa bi erdê ve qerisî, şer sekinî. Ji bêhêzî û şepirzebûna şervanê herdu aliyan bû, ko şer sekinî. Lê dîsan baş bû, ew sê saet bûn ko ser û guhêñ me ji gurmegurma

dengê topan û têqteqa mitiryaloz û tivengan hêsa bûbûn. Şorbeyeke xweş û

germ jî bilez û bez ji me re
hatibû û me jî bi bayê bezê
xwaribû. Ma gelo ji vê çêtir, di
rewşeke wisa de dê çi hebe?
Êdî her kes ji me bi paqikirina
çek û fişekên xwe û bi
xwerandina laşê xwe ve mijûl
mabû... Xwedayo çend xweş
e ko êdî şer nebe! An jî hema
zû destpê neke. Herkesî hez
dikir ko bêhnekê vesîhe. Lê ne
destûr hebû û ne jî ciyê
vezîlandinê. Ji xwe "yasaq" jî
bû ko em bostekê ji ciyê xwe
dûr bikevin. Loma piraniya me
jî bêçareyî, xwe di nêv wê berf
û ciravê de vezîland. Lê wisa jî
kêfa ragirtina şerî em germ
kiribûn û navê Xwedê jî bûbû
benîştê devêne me, ko hema
xirabtir li me neqewime... Lê
heywax li me û li wê kêfa me
ya derewîn! Êrişke rûsî di
rexê me ê çepê re hat. Ne

hemû lê giraniya wê kete ser bloka me û Xwedê jî, em gorî mezinahiya navê wî,
li hana me nehat.

Zabitê me yê zimanlûs qîjand:

- Van gawirêñ pîs û bêzirav bikujin û bişînin cehenemê! Îşev şeva we ye ey
qeħremanen şan û şerefa dewleta Alîosman. Ji xwe berê jî tikesî guh nedida
van gotinêñ pûç û arzan. Lî dîsan neferêñ blokê li gor rewşa xwe sistî nekirin û
bersiva vê êrîşê jî dan. Piştî berxwedaneke kêm û sist, zabitê şan û şerefê dît
her ko dem dibore êrîşa rûsan jî hêdî hêdî nêziktir dibe, û bi me naête
rawestandin. Loma wî deng li esker kir:

- Şerê xwe bidomînin! Destêñ xwe sivik bikin! Xuya ye ko neferêñ vê êrîşê, ne
ew in ên ko berî nuha şerê me dikirin. Evêñ henê ne westiyayî ne û min
nebawer e jî, ko di demeke lez û nêzîk de hanek ji me re hebe. Heke hebe jî, dê
dereng bigihe. Loma heke em... Nizanim çi!

Zabitê şan û şerefê gotina xwe got û bi lez neferek pey Mişkê heftcan re rêkir. Êdî me baş têderxist ko tirsê serî ji xwedanê şan û şerefê standiye û neşê vesêre ji.

N uha em werin ser Mişkê heftcan, kî ye û çi ye!
Mişkê heftcan neferekî zîrek û çavnetirs bû, di şeran de hatibû siqandin.
Ji xwe wî bi devê xwe gotibû:

- Ez ji bilî eskeriyê, bikêrî tiştekî dî nayêm. Bi rastî jî Xwedê ew ji eskeriyê re dabû. Şarezayê çekan bû, li ser topê bû, pîvaz hûr dikirin, nanopêj bû û zabitê xwe jî şîret dikir. Ma çi dî bêjim? Bûbû şîretkar û şarezayê blokê... çar caran birîndar bûbû; zik, sîng û herdu ranên wî bi fişekan hatibûn simtin û kunkun bûbûn, lê her car fişeket tenê jî di laşê wî de nedima û derbasî rexê dî dibûn, hestî û hinavên wî ne dihingavtin. Hekîmê taborê ji birînên wî ecêbgirtî mabû, çimkî zû sarêj û sax dibûn, her car wêrîtî û kêfxweşiya wî jî pesinandibû û bi mistek şekrokên xweş û navê Mişkê heftcan jî xelat kiribû. Êdî jî hingê ve ev navê spehî pêvê nûsabû û wî bi xwe jî kêf pê dihat. Mişkê heftcan gihişt û silava eskeriyê jî ji bîr nekir, her çend di wê rewşê de pêdivî jî nebû. Xwedanê şan û şerefê gotiyê:

- Haneke me heye, lê zû nagihe. Derengiya wê ji herdu blokên dî re qenc e, lê ji me re na. Çare çi ye? Em çi bikin ey başçawîşê delal?

- Hey çavê min, ko wisa be wek tu dibêjî, pa karê me li vir çi ye? Ya qenc ew e ko em zû ne dereng ji vir vekişin, xwe bigihînin berbinê rexê rastê û keysê xwe li wan xweştir bikin, mişkê heftcan got.

Em reviyan, lê reva me reveke plankirî bû, ne bê ser û ber bû. Her deh deqeyan 30 nefer bi hev re hêdî hêdî dicûn wî ciyê ko hatibû diyarkirin, ji xwe dinya taristan bû mirov ber piyê xwe jî nedidît. Wisa jî pir mixabin, neferên êrîşa rûsî pê hesiyan û keys û delîva revê ji me standin, berî ko em karê xwe hew bikin. Êdî zimanê xwediyê şan û şerefê şkest. Ji şilka serê xwe ta binê piyê xwe, wek nihikê di nêv avê de lerizî şeqşeqa diranên wî dihat bihîstin. Lê dive mirov xwe ji Xwedê neke û hevalê xwe bi derewan riswa neke. Fehmî Efendî, ko ev navê wî bû, ne mirovekî bêzirav bû. Ew di şer û êrîşan de tim li pêş bû û di dema rev û vekişînê de xwe tim li paş dihişt. Mişkê heftcan jî ev dizanî, loma wî bi nermî û dilovanî gotiyê:

- Brako çimkî tu berpirs î, loma tu ditirsî! Ji xwe kesê di rewşike halo de netirse, di dinyayê de peyda nabe. Û heke hebe jî, ew kêmaqil e lê dive mirov xwegir be û di ber tirsê re karê xwe jî bike! Kar di cengê de bêtirs nameşe...

Rewşa herdu blokên me ên dî, ne ji rewşa me çêtir bû. Lê ji sextî û asêtiya ciyê wan, êrîşa rûsan nedîsiya pêşdetir bêt. Ji xwe berê jî me dizanî ko heke êrîşa wan neşke jî, dê di ciyekî de raweste. An jî ew bê ziyanekê mezin nagihin

armanca xwe. Herçend li hana me nehatin jî, lê topçiyê blok 2, ya ko li nêzîkî me bû, alîkariya me dikir. Wî nekêmtir ji cil berikên topan avêtibûn êrîşa li hemberî me, lê êdî wî jî ew keys nemabû û êrîşê jî nêzîkayî li ciyê me kiribû. Êdî ya ji me hat ew bû ko em torbeyên xwe ji fişekên ko di sindoqan de mabûn, dagirin û bileyz birevin. Lê mixabin ev reva me bê ser û ber bû. Me bi vê reva xwe ya bileyz û bê ser û ber, hevalên xwe jî, ên ko pêştir vekişiyabûn bi xwe re bizdandin. Hindek jî belkî nû digihanê, hindek jî hêşta bi rê ve bûn û em jî direviyan. Lê berî ko em bigihin ciyê diyarkirî, rûsan jî êrîşa xwe kiribûn du bir, an du nîv. Nîvek jê berbi wî ciyê ko em diçûnê hat û serpeşkên wê ermenî bûn. Êdî ew li me qewimî ya ko ez nizanim behs bikim. Me rewşa şer û berxwedanê nema. Êdî her kes, an her çendekan ji neferên blokê, ji xwe re bi rexekî ve teriqîn... Tivêna fişekan bû; di ser serên me re, hem li rex û dorêne me "lingo lezke bileyzîne". Kî hat kuştin, kî hat birîndarkirin û kî ma zindî. Xwedê dizane! Em dişemitiyan, devdevkî û qonqonkî diketin û em naçar dibûn fişekên xwe jî biavêjin, da ko em piçekê leztir birevin... Û hevalên me ên ko berî me gîhabûn ciyê kombûnê ew jî ketibûne ber pêla wê êrîşa ko çekdarên ermeniyan rêberiya wê dikirin. Loma êdî bloka me wek blok nema û neferên wê bi giştî ji hev hatin vegetandin. Wisa şehê şerî di serê bloka me re şkest. Herçend em tibabekê dûr çûbûn jî lê hêşta dengê pismamekî me yê ermenî bi tirkî û piştre bi kurdî jî dihate guhêne me.

- Nerevin lo! Hey koçikên Reşad û Hemîd! Werin ji xwe re em gawiran bikujin! Vî pismamê me gelek gotinên pîs û kirêt di derheqê van herdu sultanan de dikir. Hevalê me Mustefa Hilmî, wî jî ji rik û bêzariya xwe, "amîn amîn" digot. Vî ermeniyê malşewitî û dilperitî, wek piraniya ermeniyan belkî wî jî bawer kiribû ko em bi serên sultanan sûnd dixwun. Şeva me, ji tariyê tarîtit bû. Ji ber bazdan û revê kutekuta dilên me bû. Me hew dît ko em şeş kes in; Lutfî ji Îzmîrê, Cemîlê Ebdilla ji Amêdiyê, Mustefa Hilmî ji Şamê, Cindiyê Temer ji Dihê (Eruh), Seîd Lazî ji Sînopê û ez Silêmanê Misto ji Colemêrgê. Em nizanin çi dema şevê ye lê em dizanin ko şeva me ya dimor dageryaye û hêz di me de nemaye. Me çavên xwe li bervezek zuha gerand ko piçekê me ji sermayê biparêze. Lê mixabin tat û nehîten kevrên wî ciyayî bê bervez bûn û ji xwe şkeft tunebûn, an em bi ser ve nabin. Hevalê me C. Amêdî çû li ciyekî bigere. Wî dîzek mezin ya çilo dît û hat em birinê. Me çendek ji gurzên çilo jê rakirin da em têkevin nava komê û xwe pê binuxumînin. Lê wey kulmano ezooo, ev çi ye em dibînin? Çar esker rûniştî ne, xwe bi hev ve kirine kurîşk, erzenên xwe gihadine kabokên xwe, ko me dît nalivin. Nû me zañî ko birs û sermayê ew kuştine. Me her çar cendek ji ciyê wan rakişandin û em daketin nava koma çilo,

ya ko bi pûş û rîsiyan hatibû raxistin û me xwe bi wan gurzên çilo nixamt. Hêsta me ciyê xwe xweş nekirîbû, hevalê me C.Temerî got:

- Ev ci ye li kemaxa min dikeve, nahêle ez ciyê xwe xweş bikim? Cî teng e, keysê min lê nahêt. Yek ji we destê xwe bigihîninê û bizanin ci ye? Min destê xwe di ser pişta wî re bir gihad kemaxa wî û peland, kete ser kîsekî dagirtî, ko min ser xwe de kêşa, hişk û giran bû. Me anî danî ber xwe. Benikê devê kîsê zêrîn biley me vekir û bêhna nanê genimî xwe li xinxinkên kepiyên me xist... Ey Xwedayê pak û tak û pîroz, em şikirdarê te û vê qenciya te ne! Bîst û sê nan, pênc serik pîvaz û tibabek mewîjên zer û reş di kîsê mezin de bûn. Min got kîsê zêrîn! Lê zêr ci rîx e yaboo? Bawer bikin ko hingê (li gor rewşa wê demê) ew ji hezar kîsêni tijî zêr çêtir bû. Ji nû me zanî ko xwediyyêni vî kîsê nanî, ne ji nêza miribûn, belkî ji serma req bûbûn... Êdî kîf kêfa me bû, me dizanî ko em dikarin 10-12 rojan li xwe ragirin û zindî bimînin û pê bijîn ta Xwedê careyekê li vî halê me dike.

Me her şesan di wê rewşê de sê nan bi mewîj û pîvazan xwar, Xwedê xêra wan her çar miriyan jî binivîse. Dinya li me bû sibeh, me gurzên çilo ji ser xwe avêtin û li hawîrdor temaşe kir. Ji nû me derdê xwe zanî; derdê windabûnê, em nuha winda ne, rojhilat, rojava, bakur û başûr ji hev nanasin. Em nizanîn bi kîjan rexî ve herin. Çumkî hingê li hindek deveran, meydan û şergehêni me û rûsan nîşan û sînor jê re nemabûn, hemû heriff bûn...

Me bawerî bi xwe nemabû ko em bisteh bi rexekî ve biçûna. Ma gelo ew rexê ko em bigirin, dê me berbi ordîgeheke rûsî an tirkî bibe? Em nizanîn. Lê em dizanîn ko em her şes çiyayî ne û reşatiya şevan, zehmetiya kaş û kendalên bilind û asê nikarin me bitirsînin. Nemaze me têra xwe nanê zêrîn jî heye...



gurmêna dengê topan ji dûr dihat. Me dizanî ko herdu aliyên şerî berbi hev davêjin, lê kîjan alî tirk e û kîjan rûs e? Em nizanin! Hevalê me C. Amêdî got: Hûn li vî ciyê xwe bimînin. Ez dê hilkişim serê vî çiyayî û ji wê derê binerim ka li rexê dî çi heye? Lê bila we hay ji min hebe! Ji bîr nekin!

S. Lazî nanek sax û neşkestî ji kîskê nanî raberî Cemîlî kir. Nîvek para wî ya wê rojê û nîvê dî bi diyarî mîna xelatkirinê, lê bi şertê ko ew nexwe ta digihe serê çiyayî... Cemîl nanê xwe bir û çû... S. Lazî xwe kenand û got:

- Eskerno xwelîserno, ev çi ye? Werin ji xwe re bibînin. Xuya ye ko şeva borî me nanê xwe bi goştê sipihan xwariye. Bibînin çawa bi nanî ve û di nêv mîwîjan de dilîlivîn. Me nan û mîwîjîn xwe ji sipihan paqîkirin. Lê me ev ji xwe re nekir xem. Sipihan neşîyan biqasî serê müyekî ji bihayê nanê me kêm bikin. Çumkî birçîbûnê herkes biribû ber nemanê çi esker, çi jî sîvîl. Me xwe li teniştâ tatekê mit û bêdeng kiriye û çavên me ên tarî li riya hatina. C. Amêdî ne, ka dê kengê vegere?! Hevalê me S. Lazî, rabû ser xwe û got:

- Hevalno, dîmenenê kuştî û birîndaran têne xewna min û nahêlin ez razim. Ez dikim nakim, nikarim ji bîr bikim. Ma ez dê çawa ji bîr bikim? Roj di ser min re derbas nedibû ko ez termê 50 ta 100 kuştî, birîndar û miriyan nebînim. Dihate gotin ko ew neferên bi mirinê diçin, ji ên bi kuştinê bêtir in. Lê min ev gotina ha bawer nekir ta ko min bi çavê serê xwe nedît! Carekê di rêka çûna xwe de ji nik hekîmbâsi ta nik zabitê îdarê, ko hemû du saet rê bûn, min cil û du cendek hejmartin. Ji wan tenê sêzdeh kuştî bûn. Ên dî hemû ji nêza mirî bûn, ji xwe bila em behsa kûtîbûn û sermayê nekin çêtir e. Gotinên S. Lazî ên melûl û dilşewat, li vir hew bûn.

Çûn û hatina C. Amêdî nêzî sê-çar saetan dom kir. Wî mîzgîniyek da û em pê fûrandin ko çend çadir ji ên Hemîdiyan li rexê dî û li ser simêñ çiyayê beramber dîtine, rûnenişt, got:

- Heydê rabin em herin...

Ew diçe û em li pey wî dilezînin. Kaş û kendal in, hêrik û newal in. Mina dizan dilbitirs em diçin mîvandariya hemîdiyên, ko bi tevayî kurmanc in. Rewşa me baştır bûye. Em li teniştâ tatekî rûnişt ne û nan, mîwîj û pîvazan dixwun. C. Amêdî got:

- Hevalno nalînek dête guhê min.

Me tevan guhêñ xwe lûç kir. Nañîneke nizim û lawaz bû, mîna ko ji bin heft tebeqêñ erdê derkeve. Em pê neguhişîn. Çumkî me dizanî, ko kuştî û birîndarê bêkes û bêxwedî li van çol û çiyayan hene û ev ne cara yekê jî bû, ko em dibînin. Ji xwe heke em di wê kîlîkê de ne bêdeng bûna, me qet dengê wî ne

dibihîst. Tat pan û dirêj e, em li rexekî wê rûniştî ne, rexê dî tatê nagihe erdê, bilind û hildayî maye. Valahiyek çêbûye û tê de çaleke vêl heye, eniya tatê dirêj e û jê re bûye ban û bin de bûye bervez. Birîndarê me û sê kuştî ji xwe hîç, lê birîndarê me ci birîndar e? Ey Xwedayo mala te... Fîşekêkê hestiyê milê wî ê rastê hûr hûr kiriye û fîşekêke dî di stûna movikên pişta wî re derbasî kemax û perasiyan bûye. Ji bil dengê nalenala wî û peyvîn "Üsküdar" û "evet" me ti tişt jê fêm nekir. Lê wî bi işaret û nalîna xwe got:

- Min li vir nehêlin!

Me her sê termên kuştıyan jê dûr kirin, çar nanê neşkandî di gel mistek mewîj jê re hiştin. Cî û cilên wî jî ji xwîn zox û edavê paqîj kirin û em çûn... Bi rê ve min ji hevalên xwe re got:

- Ji Xwedê bixwazin ko em bêne kuştin, lê neyêne birîndarkirin. Me çiyayê bilind paş xwe ve hişt û em daketin rexê dî. Vê çûna me pênc- şeş saetan dom kir. Li gor kulpa wê serdemê, ew dan û dikakê ko me li nik van hemîdiyan dît, heke me bi çavêن xwe nedîta û kesekî dî ji me re bigota, me dê bawer nekira. Ma gelo em hişyar in an xewn e em dibînin? Garaneke dewarên reş; ga, mîga û golik. Di nîv vê garanê de tibabeke mîh, kavir, bizin û gîşk jî hebûn. Di şkeftike xweşkirî de xwarin çêdikirin, navê wê kiribûn Tekiyexana sultanî. Li tişta wê konekî dustûnî vedabûn. Di hundurê wî de tijî têrikên dan û dikak, derfîn penîr û jajî, taxeyên tûtinê û hemû cuda cuda li ser hev danîbûn. Ev çarsed-pêncsed hemîdiyên ziktêr û çavbirçî wek ko ji talankirina malê xelkê re hatibin, ne ji tiştekî dî re. Wan ta buxçikên cil û hûrûmûrên jinan jî li xwe kom kiribûn. Vê rewşa xweş û bêrûmetî, gotineke koçerî anî bîra min: Neristî nebedayî, kûnê reş vedayî. Helbet piraniya vê bereketa sultanî ji malê xelkê pêkhatibû, nemaze yê ermen û êzîdiyan. Lê van xweşmîrên me kurdan! Ta kurdên misilman jî talan kiribûn, di nav wan de du gundiyan belengaz ji devera Sarîqamîşê bûn û daxwaza gayêن xwe dikirin...

Ferhengok:

vesihe: rihet û istîrahet

han: îmdad, de'im

hinik: darik, zilik û qırşıkên ko li ser avê dilerizin

dimor: nehr

bervez: cihê zuha ko bâ û barov jê nagire sitar e

kurîşk: core rûniştineke ci ji melûlî û ci jî ji tirsan e

kulp: giranî, xela cela

dan û dikak: erzaq

Aramen

canda

Xweku

Tu, wek germiya şevêñ havînê,
xewrevîn û fediyok, min bi tîrêjêñ
evînê hênik dikî.

Dengbêj û nêçîrvanêñ herêmî, ketine ser
şopa evîna min û te, bûne rêberêñ
evînfiroşan.

Lê ew ji bîr dikin ko ez û tu di destpeka
nîvê dîroka kambax û malwêran de, bûne
wek Memo û Zînê.

Ne bi hev û ne jî bêyî hev em dikarin bijîn.
Dê çawa be?

Hişyarbûna me ya dawîn, bêhişîya me ya
pêşîn wenda nake,
pezên me li zozanêñ xemilandî belav nake.
Ne lorînêñ dengbejêñ herêmî, ne tîrêjêñ
evînê û ne jî xunava biharê dikarin dilêñ me
yêñ xemgîn şâ bikin.

Govendgirtina me ya li ber kalîna pezên me
yêñ candayî, xemgîniya me ya ko bi tîrêjêñ
evînê hênik dibe,, êdî nema bikêr têñ..

Pezê me yê candayî bi can nakin û zozanan
ji nû ve bi ber nakin.

Erê dapîra kul û kederan!

Di berbangêñ biharê de, beşdarbûna
kerwanêñ rêsîvanan; vexwarina ava 'eyarêñ
pezên giroyî û guhdarkirina dengbêjêñ
bênav ên çanda nemir radestî me dikirin,
bûne xewnêñ bê xeyal.

Herweha îro jî" nobedarêñ azadiyê" û
"rêberêñ" pêşeroja min û te, yeko yeko,
dikevin dora xwerêdanêñ bi nêçîrvanê evîna
min û te re.

Ew bi dîrokên xwe yên paşerojê sergêj bûne, nizanin ji ku hatine
û diçin kuderê.

Lê herweha dengê te yê zelal û lal jî qurmiçandine.
Divê ez û tu careke din hişyar bibin û ji xewa bê xewn
rabin.

Careke din wek hespên kihêl di destpêka biharê de gewî û bi
çärgav ber bi doza xwe ve birevin, doza evina min û te.

Ma nebes e lê!

Ey dapîra kul û kederan!

Bi koçbariya mamostayê hêviya evînê, zozanêñ koçeriyê bûne
qada xwînbâriyê. Sînga te ya kaniya gul û beybûnan, ji mîzdarî û
maç û ramîsanêñ xwînxwaran, bê bîn maye û ji xemla xwe ketiye.
Hêviya evîna mamostayê min û te, di nav lepêñ hunermendêñ
xwekujiyê de, pepûk û bêçare maye

Yek ber bi rojava û yek jî ber bi rojhilat ve dikişîne.

Ew jî ji derd û kulêñ bêhişiyê dihele û ji taqet dikeve û nikare xwe
ji nav destêñ xwekujiyêñ zîrek azad bike.

Di gergerîneka Labîrênta lîstika veşartokê de, ne tenê min û te
riyêñ xwe şaş kirine, herweha yên din jî ketine leca dest ji
berdanêñ hunermendiyêñ mamoste yên bi şewat û wêrankirina
hêviyêñ salan û ên bi xwêdana eniyan û bi hêşirbarînê bêçare û
bi hawar û qîrînêñ
zarok û dayekêñ di
alavêñ

ragihandinê de
yên sedsala
bîstan; wek
wêneyêñ serdemî
dihatîn weşandin,
hatibûn avakirin.

Li der û dora me
binêre!



Şagirtêñ mamoste jî yeko yeko beşdariî leca veşartokê dibin û di
labîrênta bê rê de xwe ji asoyêñ sayî ber bi asoyêñ bi mij ve
dikişînin û dibin xwedanêñ desthilatiyêñ çavsoriya diji hêviyêñ
baranbarîna guneh şûştinê.

Tu ey dapîra kederan!

DUGIR, deh mûmên şînigiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike

tu hiş û ramanêن xwe ji ku digrî?

Tu ji bo çi wek mirîşka kurk ketî, bi ser hêviyêن xwe de diponijî!

Bo çi carekê ji ser hêviyêن xwe ranabî û nakî qîrîn?!

Ji bo çi carekê dengê te yê xemgîn û bi şewat nakeve kerîneka
guhêن "serkêşen" hêviyêن min û te?

Tu ji bo çi, desthilatiyêن xwe yên dapîrî bi kar nayînî?

Ma tu nikarî belavkirina mîrata bav û kalan rawestînî ta ko
berbang bê û ezman sayî bibe.

Ma tu nizanî, ko têkçûna şopêن rêçika baweriyêن mamoste,
serberjêrkirina hêviyêن min û te bi xwe re tîne.

Bawerî û ramanêن serjêkirî, dem û xewnêن bêçare
diafirînin û rê û rêçen derketina ji labîrênta bêdawî tevlihev dîkin
û agahdariyêن peywendiyêن evîna jîndar diqurmiçînin.

Ka were li ber serê min ê gêj û bêxeyalmai rûnê û çîrokêن evînê
ji min ra dûbare bike.

De were ji nû ve dest bi avakirina hêviyêن xwe yên wendabûyî
bike û min jî di hêlana xewn û xeyalêن xwe de bihejîne.

Ez derd û kulêن te dizanim.

Êdi tu naxwazî rûpelêن ferhenga lorînan vekî!!?

Tu taqeta

xewndîtinê û
avakirina xeyalêن
wendabûyi di
xwe de nabinî.

De ka were!

Careke din
hunermendiya
xwe eşkere bike.

Hunera
dartewandinê di

ware hûnandina xewn û xeyalan de jî eşkere bike.

Sagirtêن di şopa peyarêka mamosteyêن min û te de, westayî û
mayî ketin e, wek weşandina darê wan hilweşîne û helwestêن
hozanêن hêviyan radestî wan bike.

Ev ne hewldana yekem e û ne ji ya dawîn e!



**DUGIR, deh mûmêñ şînigiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike**

Hewildanêñ piştgirtina pevçûn û tawanbariya destberdanêñ ji daristanêñ pezkovîyan û ji heyamêñ kuştina bêhêviyan, ne karêñ min û te ne.

Heyamêñ serjêkirina bêhêviyan, aramêñ çanda dîroka serbilind û payedar e. Avakirina heyamêñ kuştina bêhêviyan, raperînê, ji nava diroka kambax, ji sînga zozanêñ wêranbûyi û ji hunermendiya hêza zimêñ, wek zayîna demê, wek derketina rojê û wek vebûna gulê, derdixîne.

Ger ez û tu, li ser rê û rêçêñ kevnare yên ko me di demêñ paşerojê de, wek pêwistiyêñ hêviyêñ Jiyana berhemdar rê didan û dikirin destûra evîna xewnan, bi rê ve biçin emê rêberî gelek kelemêñ tûj û çiyayêñ asê bibin.

Emê nikaribin rojeva pêwistiyêñ jiyanekê azad bi çavgirtokêñ veşartoka labîrênta bêdawî peyda bikin û emê nikaribin rojeva pêwistiyân bikin qada bawerî û hêviya xewnêñ mamostayê min û te.

Divê ez û tu îro, wek xortine xemkûjîn bipijiqin ser çavêñ bêdûrbîn ko li termêñ hêviyêñ bav û kalan dilikumin û nabînin.

Dahfikêñ ko bi
çavkorî têne
vedan,
dahfikvedanêñ bi
zanyarî û bi
bawerî bi xwere
tîne.

Serencamêñ
dahfikvedanêñ
zanyarî kuştina
axa gorra min û
te ye.

Dest ji ber xwe bernede, û nebe xwedanê kuştina zayîna demê.
Ko ez û tu wek bav û kalêñ xwe nekevin sînga hev û stûna xaniyêñ hev ji bin hîmê avahiyan nekişînin, dê dem berhemdar be.



DUGIR, deh mûmêñ şînigiriyê bo Helebçeya şehîd vêdixîne
û sorgulekê pêşkêşî reşgirêdana Newroza we dike

Ji bîr neke ko berhemdariya demê şabûna min û te ye û
serencama bi cî anîna sozên me ne; sozên ko min û te di
destpeka evîna xwe de radestî mamosteyê xwe kiribûn.

Gulebarînê te wek tîrêjêñ awirêñ evînkuj û wek zîpika
destpêka payîzê, min diêşînin. Destbiratiya di destpêka
xûnavâ bihara rengîn de ya ko bi tîrkevanêñ kuştina xem û
derdan hatibû hûnandin yeko yeko têk diçin.

Bihara min û te wek xunava evînê li ser darêñ bê pel, li ser
avahiyêñ wêran û li ser destêñ hunermendêñ xwekujiyê dihele û
xwe dîghîne ava çemê hêsisan.

Riya me ya ko em jê hatine û ya ko em pê da diçin glover û
serberjêr e.

Îro bûye bela serê me.

Ketiye nav lep û lingêñ me.

Serê xwe bilind ke û bibîne.

Ka dilê te û devê te li hev dîkin.

Dîmenêñ evînê radestî yên din dîkin. Bizanibe!

Kilamêñ me ji bo dilgirtina mirovêñ evindar in. Bibîne!

Berbang mizgîniya destpêkirin û avakirina hêviyêñ mamosteyan
radestî me dike. Û me gelek kilam û lorînêñ evînê jî ji hev re
gotin.

Kilama min û te bi dawî nayê.

Serê xwe neêşîne û menale.

Diroka cîhanê; cîhana bê nav û bê deng, di nav lêvêñ te yên
germiçî û tî de, bûye benîştê qizwanê yê darêñ bê tam û bê ber.

Were destê xwe bide destê min û dîroka sosretan, Dîroka
hesretan,

Hesretêñ bê hejmar

Bê dawî

Bê serî. Ji min re bilorîne.

Lorînêñ xeyalane

Wek çirokêñ pirevokan, di xewnêñ zaroktiya min de Difirin,
Dikevin,

Diteqin. Û

Li hawirdor belav dibin,

Sergêj û bê çar e.

NEZİR AKAT

DUGIR, deh mûmêñ şînîgiriyê bo Helebçeya şehîd vêdixîne
û sorgulekê pêşkêşî reşgirêdana Newroza wê dike.



REZOYÊ OSKÎ

*Ji
pirtûka
xilmaşıyê*

Çavpêvedan

1

Me
Nivişt
pêçan...
Berbejin
bi
bejnan de
berdan
û
bazbend
hilgirtin,
hilênan.

2

Me
Nal
bi
devê deriyan
ve
kutan...
Simê pêz
daleqandin
û lepêñ xwînê
li
wan
dan...

3

Me
şînok
Hîro
Bi eniyan
Ve
kirin
Qespik
û
şeytanok
bi
kumikên
zarokan ve
şêlan...

4

Tîştekî
em
ji
çavêñ
pîpoqî
ne
parastin
ne
hêlan.

05.01.94

Tilihêñ dest

Me
tilihêñ xwe
jimartin:
Vê, got:
da'm herin
diziyê...
Vê, got:
de...
Vê, got:
ku
û
ta...
Vê, got:
ez
şehde...
Vê, got:
Pîr im,
Qut im
na
gihime
hevala!

05.01.94

Kêzka Zêrîn

Me
 Kêzka Zêrîn
 anî...
 hêdîka
 l'
 ber xwe
 danî...
 Me bakiryê:
 Qoplanî...
 Moplanî...
 Kêzê
 perek hilanî
 yê dî
 pê re
 bir
 banî,
 got:
 Kêz firî
 ma
 "kompanî"!.
 06.01.94

Dilşikestin

1
 Nanê min
 di
 tenûra tox
 û
 sar de
 bû kûmir.

2
 Berxê min
 di
 mîrg û
 çîmenan de

noq da

3

Cama dilê
 min
 Di şerê
 kezîzeran de
 şikest.
 07.01.94

Jîyan

Çeleka me
 kayîna xwe
 dike...
 Aşê me
 kevirê xwe
 dihêre
 û
 keraxê me
 bi
 devê tevşoyê
 xwe
 hêdî hêdî
 axa
 dora
 mîwa
 tirihdayî
 dixepêre.

15.01.94

Kuftik

Me
 kuftka xwe
 hilda
 ker hat...
 Me
 avêt
 diz hat...
 Me
 werand
 soffî hat...
 Hembervanê
 me,
 destegul
 qot rakir...
 hilda
 mîr anî...
 avêt
 mîrê mîra
 anî...
 Em mane
 li
 xwar...
 Ew ma
 li
 banî.

16.01.94



BAXÊ GULAN

Bi gulekê bihar nabe

1

Carekê, li herêmekê gulistanek hebû. Bi gul û çîçekên sor, zer û spî wek sosin, nêrgiz, benefş, şilêr û şahgulan, hatibû xemilandin.

Vêga, çîçeka sosinê ji nêrgizê re got:

- Bedewiya vê gulistanê hemî bi saya min e.


Çîçeka nêrgizê lêvegerand û got:

- Ev zîbayî ne ya te tenê ye, hemî gul û çîçekên din di dirustkirina vê xweşikiyê de hevpar in. Ji bo ci tu qenciya mirovén cotkar ên ko qadê dirg dîkin û dajon û ji gîhayêni ziyandar paqij dîkin, winda dîkî?

Çima tu mafê co û cobaran ji bîr dîkî? Eger ew nehatana nava gulistanê dê zevî hişk û zuha bimana û em jî der nediketin, geş nedibûn.

Paşê ma kanî mafên tîrêjên rojê, mane ko tunebana dê ev gîha û ev jiyan ji binî ve tunebana.

Mebesta min ji vê çîrokê ew e, ez dixwazim miletê me nas bike, ko kesk û dukes û sêkes nikarin tutiştî bikin. Dive miletê me hemî wek bira destan bidin hev û têkevin newça têkoşînê.




RÊWI

ZEWACA REŞ A GULİZARE

Malmîsanij

"Gulê digo
Hecî Mûsa Bego qurban, ez gune
me,
ez gune me
Ez axçîk im, ez file me
Ez pûlik im, bêfayde me
Ez ne liyaqê Hecî Mûsa Begê xwe
me
Gulê digo Hecî Mûsa Bego qurban,
tu min serjêkî bi dûzanan
Tu goştê min rakî bi kelbetanan
Ez tu car nayêm ser dînê
musulmanan
Gulê digo Hecî Mûsa Bego qurban,
ez Gulê me, Gula dîn im
Ezê rabim dawa xwe li navâ
xwebilefinim
Rêka İstanbulla şewitî bigirim,
bikudînim
Ezê textê Sultan Reşad bigirim,
bihejînim
Ezê heft diwêlê ecnebî bi xwe
û Hecî Mûsa Begê bihesînim"



Berga kitêba
Arménouhie
Kévonian, Les
Noces Noires De
Gulizar, Éditions
Parentheses,
1993, 166r.

Gulîzara keça Axacan Egop ko ez dixwazim li vira behsa wê bikim, di wexta xwe de di nav kurdan de bi navê Gulê navdar bû. Di 1889'an de, yanê sed û heşt sal berê Mûsa Begê lawê Mîrza Beg şevekê sed û pêncî merivên xwe şandine ser gundekî Êrmenîyan, Xartzeyê. Xartze di navbera Mûş û Exlatê de, li deşta Mûşê bû. Merivên Mûsa Beg di tarîya şevê de avêtin ser gund, tifing bera wan dan, li wan xistin, hinek birîndar kirin, malên wan talan kirin û Gulîzar jî revandin birin teslîmî Mûsa Begî kirin. Ji birîndarêñ êrmenîyan çend kes wê şevê mirin.

Berî vê hedîseyê jî Mûsa Begî tahde li êrmenîyan dikir. Ji ber vê tahdeyê, ji êrmenîyan Ohan û apê Gulê, Mîhran (Mîro) gilîyê Mûsa Begî li hukmatê kiribûn. Piştî vê gilîkirinê, Mûsa Beg şevekê Ohanî dişewitîne dikuje.

Wexta ko wê direvînin, Gulê hê keçeka çarde salî bûye. Piştî revandinê, merivên Mûsa Begî wê teslîmî wî dikan. Her çendî ew digrî û dixwaze ko wê berdin, lê çi fayde ko Mûsa Beg wê bernade û dixwaze pê re bizewice.

Digel ko Mûsa Beg xwedîyê çar jinan bû jî, dixwest vê keçika tern û ciwan jî bi zorê bigire.

Gulê keçeka bi rik û qerardar bû, Mûsa dike nake ew naxwaze. Mûsa dixwaze ko ew bibe misilman jî. "Ez" dibêje Gulê, "heke ez sed sal jî li ba te bimînim, ez êrmenî [xiristyan] me. Tu dixwazî min bi saxî bişewitîne ..."

Rojekê apê Mûsa Begî Mihemed dibêje "Mûsa, çar jinê te hene. Ev keçika ji te re ne minasib e. Wê bide birayê xwe Cezayîrî." Lîbelê Mûsa qebûl nake. Dawîya dawî Şêxê Kufra û eşîra Belekan dikevin nav meselê û Mûsa Begî razî dikan daku ew Gulê bide birayê xwe Cezayîrî.



Hecî Mûsa Beg

Gulê bi zorê didin Cezayirî. Nêzî sê mehan li cem wî dimîne. Dibe jina wî. Zaf ezîyetê dibîne. Him maddî û him jî psîkolojîk. De hesab bikin ko ew keçika tern û ciwan bi zorê revandiye, ji xwe re kiriye jin, tahde lê kiriye û bi ser de dixwaze wê bi zorê bike musulman. Heta navê wê jî guhertiye, kiriye Fatma.

Mesela Gulê dûr û dirêj e. Pişt re merivên Gulê gilîyê Mûsa Begî û birayê wî Cezayirî li hukmatê kirin. Mesele gehişt İstenbolê jî. Hinek êrmeniyêñ İstenbolê li Gulê xwedî derketin. Ji alîyekî jî hinek elçî û temsîkarên dewletên Ewropa li ser vê meselê rawestiyan. Welê bû ko dawîyê walîyê Bedlîsê jî li ser meselê rawestiya û xwest ko Gulê biçe Bedlîsê, mahkemê. Cezayir naxwaze Gulê bişîne, lêbelê Gulê taktîka xwe diguherîne û Cezayirî dixapîne, dibêje heke ez biçim mahkemeyê jî ez dev ji te bernadim. Ez êdî ji te hez dikim, ez jina te me û ez bi dilê xwe li cem te disekinim, ne bi zorê. Ez êdî musulman im. Heke ez biçim mahkemeyê jî ezê ifadeya xwe wenî bidim.

Piştî vê yekê, ew Gulê dişîne mahkemeya Bedlîsê. Li wir Gulê çi di dilê wê de heye wê dibêje. Yanî rastîyê dibêje, dibêje ko wan ez bi zorê revandim, ez Cezayirî naxwazim, ez dixwazim ko hûn min teslîmî diya min bikin. Mahkeme mecbûr dimîne, wê teslîmî diya wê dîkin.

Piştî demekê li İstenbolê jî mehkeme vedibe. Gulê diçe İstenbolê. Di 26'ê Hezîrana 1889'an de Mûsa Beg jî diçe İstenbolê, li wir mahkeme dibe. Pêşî mahkeme nikane sûcê wî tesbît bike, ji ber wê jî cezê naxwe, lê belê bi alîkariya êrmeniyêñ İstenbolê Gulê ji nû ve lê gilî dike. Mehkemeya Gulê û Mûsa Begî sê salan diajo, di pey re hukmat cezayê surgûniyê dide Mûsa Begî û wî surgûni Mekkeyê dîkin.

Mûsa Beg di nav kurdan de bêtir bi navê Hecî Mûsa Beg tê naskirin. Welê tê fêm kirin ko piştî ko surgûni Mekkeyê dibe, dibe hecî. Hecî Mûsa Beg salekê li Mekkeyê li surgûniyê dimîne û paşê vedigere welêt.

Cezayir jî du salan di hefsa Mûşê de dimîne û li wir dimire.

Di pey mahkemeya İstenbolê re Gulê vedigere Mûşê û bi Kéram der Garabêdyanî re dizewice.

Di 1908'an de Kéram dibe mebûsê Meclîsa Dewleta Osmaniyan. Ji Kéram û Gulê re keçek çêdibe: Arménouhie Kévonian. Arménouhie ko mezin dibe, dibe nivîskar û rojek tê ew bîranînê diya xwe Gulîzarê (Gulê) dînivîse. Bîranînê Gulîzarê bi êmenîkî di 1946'an de li Parîsê çap dibin. Di 1993'an de wergera fransî ya van bîranînan derket. Agahdariyêñ ko min li jorê dane, min ji vê kitêba fransî gutine. Bêguman agahdariyêñ ko min dane kurt in, lê kesê ko bixwaze di vî warî de bêtir agahdar be, divê ko vê kitêbê bixwîne.

Gulê di bîranînên xwe de behsa Behrî Paşayekî dike ko li Îstenbolê alîkarîya Mûsa Begî kiriye. Li hin ciyan dibêje "son oncle Bahri Pacha", yanî "apê xwe" (yan jî "xalê xwe"), li hin ciyan jî dibêje "proche parent de Moussa bek" "merivê Mûsa Begî yê nêzîk". Ez ne emîn im, lê îhtîmal heye ko ev kes Behrî Paşa yê Bedirxanî be. Her wisan behsa Kamil Begekî jî dike û dibêje merivê Mûsa Begî ye. Li vir jî Kamil Bedirxan tê bîra min, lêbelê ev tenê texmînek e.

Meseleya Gulê û Mûsa Begî di wexta xwe de gelek deng dabû. Hinek rojnameyên êrmenî û ewropîyan jî li ser vê meselê nivîsibûn. Bi piştgirîya ewropîyan li ser vê meseleyê gelek propaganda kiribûn. Tiştekî din ê balkêş jî ew e ko him fotografê Mûsa Begî û him jî yê Gulîzarê wek kartpostal derketibû. Di binê fotografê Mûsa Begî de, ko di 1895'an de hatiye kişandin, nivîsîne "esilzadeyê kurd" (kurkish noble). Ji ber ko di bin fotograf de navê wî nehatiye nivîsîn, zaf kesî nezaniye ko ew Mûsa Beg e.

Gulê di bîranînên xwe de dibêje "Fotografê min û diya min ko me bi kincêñ millî kişandibû, li Îstenbolê bi mecidîyekê dihat firotin..."

Divê ez vê yekê jî bibêjim ko kitêb ji devê Gulîzarê ji nû ve hatiye nivîsîn û di gelek ciyan de bi gotinêñ heqaretî behsa Mûsa Begî dike. Ne tenê behsa Mûsa Begî, her weha di gelek ciyan de dîsa bi wan gotinêñ nebaş behsa kurdan dike. Wek nimûne, di ciyekî de gava ko behsa Mûsa Begî dike, dibêje "ew kûçika". Di gelek ciyan de ji kurdan re jî dibêje heydût, keleş yan jî diz.

Bêguman mirov fam dike ji ber ko gelek tahde û neheqî ji wan dîtine, loma li hember Mûsa û Cezayîrî (ew dibêje Cazo) gelek bi kîn in (apê Gulê jî bi destê merivekî Mûsa Begî hatiye kuştin). Di vî warî de heta dereceyekê "heqê" wê hebe jî kurd hemû ne layiqî van sifetên xerab in.

Tiştekî din ï balkêş jî ew e ko meseleya Gulê û Mûsa Begî bûye stran (kilam). Di vê strana kurmancî de neheqîya ko li Gulê hatiye kirin jî tê ifade kirin. Varyanteke vê kilamê jî Nacî Kutlay nivîsiye:

"Wayê, wayê, wayê, wayê

Berf dibare tevî bayê

Wayê, wayê, wayê, wayê

Ez Gulo me, ez Gulo me, Gula dîn im

Dawa dêrê tevî delmê xwe diwalînim


Ez rîga Estenbolê bigrim biqedînim

Ezê destê xwe bavêjim textûpayê Siltan Evdilhemîd bihejînim

Ege halê min pirsîye xwe li pirsî

Ege halê min nepirsî

Ezê duwanzde duwelê xaçparêsa, heqê dînê xwe da pêhesînim



Wayê, wayê, wayê, wayê
Gulê têye ji Xarpêtê, ji nav aşa
Tilî-pêçiyê Gulo mîze dikî ji gustîl û ji hûr qaşa
Wayê, wayê, wayê, wayê
Gulo digo, Hecî Mûsa min nekuje, ez gune me
Wele ez aşiqê dînê xwe me
Tu kurmanc î, ez fille me
Wayê, wayê, wayê, wayê
Hecî Mûsa tu goştê min bidî ber kerpetana
Tu serê min kur kî bi gûzana
Ez serê xwe nadime ser balgingê mîrê musulmana"

Bi awayê ko Dr. Nacî Kutlay dînivîse (1), Av. Dr. Canîp Yıldrm dema ko piştî salên 1950'yî li Fransayê li ser doktoraya xwe ya hiqûqê xebitiye, rojekê li hevalekî xwe yî êrmenî bûye mîvan. Jineke pîr jî li wê malê bûye. Ew jinik dibêje "Ez Gulê ya jina Hecî Mûsa Begî me". Li gor nivîsa nevîya Gulê, Anahîde Ter Minassian, keça Gulê Arménouhie Kévonian ji şest salî zêdetir e ko li Parisê dimîne. Em Gulê li wir bihêlin. Lê çi bi serê Hecî Mûsa Begî de hat? Meseleya wî jî ji çend alîyan ve balkêş e. Hecî Mûsa Beg di 1924'an de endamê Azadîyê (li gor hinan Civata Xweserîya Kurd) bû. Piştî Serîhildana Şêx Seîd karbidestêن Tirkîyê di 1925'an de ew sirgûnî bajarê Aydinê kirin. Ew jî ji wir reviya çû Sûrîyê. Li Sûrîyê bû endamê Xoybûnê. Gava ko serîhildana Agrîyê dest pêkir, Xoybûnê xwest ko wî û Kor Huseyn Paşayî bişînin Agrîyê. Dema ko xwestin vejerin welêt biçin Agrîyê, Îngilîzan ew li Mûsilê girtin û bi paş de şandin Sûrîyê. Hecî Mûsa Begî li wir wefat kir (2). Wenî fêm dibe ko Hecî Mûsa Beg di salên dawîn yên temenê xwe de êdî ne Mûsa Begê berê bû, hatibû guhertin. Lê tiştê ko bûbû, êdî çûbû.


(1) Nacî Kutlay, "Hecî Mûsa Beg û Guloya Ermenî", Wan (kovara Yekîtiya Nivîskarêñ Kurd), Stockholm, no: 4 (1992), r. 3-5

(2) Di vî warî de ji bo zêdetir agahdarî, binêre: Malmîsanij, Saîd-î Nûrsî ve Kürt Sorunu, Doz Yaynlar, stanbul, 1991, r. 94-96

Ev nivîsa jorîn ji Vate (kovara kulturî), Stockholm, no: 2 (1997), r. 95-100 hatiye girtin.
Guheztina ji Kirdkî (Dimili): M. Lewendî

Helbestek û heft cîgeh
ALBERTO GIACOMETTI


**Du pencereyên
zêrîn**




**Dilopeke
xwîn**



**Deşta
dînbûna zer**



**Loleyeke
xelatê,
spî,
li ser du
memikan**



3ê hespêñ reş dibezin

**Lingêñ kursiyan
dişikin
ji nişkê ve
dibin sedemê
xirecirê**

**Hemî pêdivî dûr ketin.
Gurmîna gavêñ jinekê,
û dengvedana kenê wê
xatir ji guh dixwazin.**

LÊVÊN BIRÎNÊ

En. Ferhadê Içmo

Ezê navê te deynim, li ser lêvên birînê
Li ser dêmêñ êpa dil, bi rondikên tev xwînê
Sûnda mi b' navê te ye, ne bi tîpêñ yasînê
Hêviya min dîtna te ye, heta roja terqînê


Heger rokê nebînim, dîflana herdû çava
Dilkê reben xemgîn e, li hêviya silava
Cîhan li min tarî ye, hêvî ketin nav dava
Ma ne bes e ji te kîn, Xwedêyo malî ava

Bila cîhan bi carek, li serê min bibe yek
Bên hawar û gaziya wa, lepkerêñ çerxa felek
Îzraîl li pêpiya wa, bibe þah û sermelek
Ezê bêjim herbijî, du çavêñ mest û belek

Va ye qumrî dixwînin, li bin siya ala te
Sitêr dîsa dirêsin, li dor bejn û bala te
Evîndarêñ *Roja Nû*, dil ketine xala te
Sed pîroz be li zozan, agirê sersala te

22. 12. 1995

Hûn dikarin li ser navnîşana Dugirê bixwazin!



EL CEDEL

Bi zimanê Erebî.

Kovara demsalane ya pirsgirêkên raman û çanda kurdî.

Şerefname bi kurmancî derket!

ŞEREFNAME

Tarixa Kurdistanê ya kevn



Şerefname Bedlisi

Hûn dikarin ji navnişana jêrîn bixwazin:

Weşanêن Apec

Box:3318


163 03 Spånga/Sweden

Tel:46-8-761 81 18 * Fax:46-761 24 90



DUGIR *Kurdisk litteratur tidskrift*

Box 3437, S- 165 23 Hässelby - Sweden



Mihemed Sêxo

De rabe dengbêjo, de çemên dengê xwe bi ser axîna birîndaran ve biçemîne û bejinbilindahiya sirûdêñ şîniyê di asoyêñ şewata çiyan û kulîlkan de daçikîne û mîna zîndiyekî dastanbêj ber bi êvarêñ mirinan ve sernîşîv bibe.

De ji ser pişta hespê xatirxwestinê dakeve, de nav di evîna xwe bide û kulîlkîn çavqerimî yên Qamişloka giryanê; hema carekê, bi dilovaniya destêñ xwe şâ bike.

De dengbêjo deee!

Stran zuha dibin û gula te, gula ko te nedida bi malê dinyayê, di xirecira rolan de, di navpêketina navan de, di tengerê û xaçerêkêñ êl û besan de, zuha dibe..

Lê dîsa jî, sîberêñ dengê te ji pey xewnê venagerin û benefşêñ bi hara dilê de li ser lêvîn berbangê direqisin û çêregehêñ evîna te bi stêrkêñ bîranînê dixemilin.

Lê dîsa jî, lerza me wek derza giyanê te, di şeva çavêñ welitekî şêrîn de, di gel kelekêñ heyveronê, hînî bend û nalîna pêlan dibin.

Asoyêñ mirina te dengbêjo, wek mirina me, bi serpêhatiyêñ pinpinîkan di ser dev re diçin, bêrîkirin jî tawanbarî ye û dilê te jî bi me neşewitî.